

宋

會

要

安福石牌葉洋龍達龍泉梅宮小安仁楊興新豐安仁場十五務歲萬五千九百七十一貢熙寧十年無額 邵武軍舊在城及光澤縣黃土龍營

場四務歲五千七百八十二貢熙寧十年無額 福州 汀州 泉州

漳州 興化軍已上不權 廣南路 東路 廣州 韶州 循州 湖

州 連州 賀州 韶州 端州 新州 南恩州 南雄州 英州

惠州 西路 桂州 容州 邕州 象州 融州 昭州 梧州 藤

州 冀州 潯州 貴州 柳州 宜州 賓州 康州 橫州 化州

高州 雷州 白州 欽州 鬱林州 廉州 瓊州 昌化州 萬安

軍 朱崖州 已上並權

酒麴雜錄一

太祖建隆二年四月詔應百姓私造

麴十五斤者死醢酒入城市者三斗死不及者等第罪之買者減賣人罪之半告捕者等第賞之三年三月詔應造麴者州府縣鎮城郭內一兩以上不滿五斤徒二年五斤以上不滿十斤仍配役一年告者賞錢十千十斤以上以滿十五斤徒三年配役二年告者賞錢十五千十五斤以上不滿二十斤加配役一年告者賞錢二十千二十斤以上至死告者賞錢三十千並以官錢充其主死者告捉人依上條外別給賞錢東京三百千西京及諸州府二百千縣鎮百千以死者家財充若存鄉村犯者自一

兩十上滿十斤以上不滿十五斤十五斤以上不滿二十斤二十斤以上不滿三十斤並如上法等第科罪至三十斤處死應私犯酒者東京去城五十里西京及諸道州府去城二十里不許將外來酒入界并州府縣鎮城門犯者一勝以上不滿一斛量罪處斷一斛以上不滿三斛徒二年配役一年告人賞錢十二千三斛以上不滿五斛徒三年配役二年告人賞錢十五千至五斛處死告人賞錢二十千應鄉村道店消場務處其外來酒不許入界犯者一勝以上不滿三斛量罪科斷三斛以上不滿五斛五斛以上不滿一碩並如上法等第科罪至一碩處死其私麴者二兩得一兩之罪私酒二勝得一勝之罪諸場務麴有羨餘敢私貨賣者同私麴例 乾德四年閏八月詔京城民沽釀者規利頗多命有司計其麴藥蜀米之用定其價直官給勝量之器十一月詔私犯麴者州府縣鎮城郭內一兩以上不滿五斤量罪處斷五斤以上不滿十斤徒一年告人賞錢五千十斤以上不滿二十斤徒一年半配役一斛告人賞錢十千二十斤以上不滿三十斤徒二年配役一年半告人賞錢十五千三十斤以上不滿四十斤徒二年半配役二年告人賞錢二十千四十斤以上不滿五十斤徒三年配役三年告人賞錢二十五千以上處死告人優賞東京五百

千已京及諸州府三百千縣鎮百千如鄉村內犯者一兩以上不滿十斤
十斤以上不滿二十斤二十斤以上不滿三十斤三十斤以上不滿四十斤
四十斤以上不滿五十斤五十斤以上不滿一百斤並依上法等第科罪
至一百以上處死告人賞錢三十千應犯私酒者東京一勝以上不滿斗
量罪區斷一斗以上不滿三斗徒一年告人賞錢五十三斗以上不滿五
斗徒一年半配役一年告人賞錢十十五斗以上不滿一碩徒二年配役
一年半告人賞錢十五千一碩以上不滿一碩五斗徒二年半配役二年
告人賞錢二十千一碩以上不滿二碩徒三年配役三年告人賞錢二十
五千二碩以上處死告人賞錢三十千西京及諸道州府一勝以上不滿
三斗三斗以上不滿五斗五斗以上不滿一碩一碩以上不滿一碩五斗
一碩五斗以上不滿二碩二碩以上不滿三碩並依上法等第科罪三碩
以上處死兩京及諸道州府禁法地分并鄉村道店有場務處若外來酒
不許入界犯者東京一勝以上不滿三斗量事科罪三斗以上不滿五斗
徒一年五斗以上不滿一碩徒一年半配役一年一碩以上不滿二碩徒
二年配役一年半二碩以上不滿三碩徒二年半配役二年三碩以上不
滿四碩徒三年配役三年四碩以上處死告賞悉如上條西京及諸州府

一勝以上不滿五斛五斗以上不滿一碩一碩以上不滿二碩二碩以上不滿三碩三碩以上不滿四碩四碩以上不滿五石並減如上法等第區斷至五石處死 五年三月詔諸州府軍監今後官餼並依先降勅命憑秤出賣不得別有抑配時具州言承前節度使差充隨監當餼務除官餼外別抑配酒戶買屬州餼民受其弊故有是詔 開寶二年九月詔西川諸州賣餼價高可於十分中減收二分 四年四月廣南轉運使王明言廣州酒餼元無禁法軍民取便醖賣如依舊不禁 十月知見州范便言本州元無餼法詔如廣州例 六年十月詔許諸道州府縣鎮鄉村人戶自買糟造醋供食 七年六月詔在京買餼人戶自今特與減價每斤止收一百文足陌 太宗太平興國元年十月詔先是募民常茶鹽權醖民多增常數求掌以規利歲或荒儉商旅不行至虧常課多籍沒家財以償甚乖仁恕之道自今並宜以 開寶八年額為定不得復增 二年十月京西轉運使程能言陳清蔡頴隨鄆均鄧金房州信陽軍未行權醖今請並置酒務詔遣太常丞馮頤與內品一人同共監當比較所收一年課利十二月權大理少卿趙齊言諸州權醖募民能分其利即給憑契許於城州二十里外酤而歲輸其直者多造餼藥於州城中亂禁法無以救其

罪望致諸州非於所酤地造麴者率以私麴論從之 六年詔在京賣麴
每斤原定二百文八十五陌自今斤減五十文 七年五月三司言詔州
酒務所收糟先許民間買以造醋昨因天長軍禁止不賣而諸處積壓極
多請依元敕出賣其餘美者令務內自造醋酤從之 八月詔曰應銀兩
東西川峽路管內州府軍監縣鎮等一昨言事者以變錢法權酤有以便
於民而佐民用朕不得已而聽之踰年未見其利如聞民庶頗怨怒因
遣使乘驛以觀之備得其狀朕奄有四海寵賚元元以百姓為心恐一物
失所舉事乖當蓋由朕之不聰出令推行遂使民之受弊况失道之未逮
固政調以是宜先是諸州官置酒酤並從除放依舊造麴市與民共益州
歲增麴錢六萬貫並除之 九年九月詔江浙之間禁權私酒小民規利
率多犯法宜更條制以便於民今遣左拾遺韋務昇等往杭州將各務課
額於上等戶均定麴法錢數依秋夏稅制輸納其酒更不禁權 雍熙二
年五月詔去年兩浙轉運司與杭州同建儀廢杭州權酤之禁以酒麴課
額均賦於民如闕更改以來城郭富豪之家坐收酤酤之利鄉村貧弱之
戶例納配率之錢甚非便利自今宜依舊置清酒務是官監當依江南例
減價酤賣其所均錢並罷納 六月度支判官李惟清言諸處酒處自米

買酒每斗給耗二勝自太平興國七年三司建議斗給一升店戶獲利既少罕來沽買遂致歲入課額率虧久今請依舊復給二勝從之 三年十一月秘書丞王嗣宗言澶州官務一斗酒量較其大小不及官斗七勝自來犯私酒人以此斗定罪斷遺緣所犯至三碩以上即得死罪憲諸道州府酒務亦有似此小斗自今並望依官勝量酒定罪從之 四年十二月詔諸處酒務不得於百姓處借米麥充用已借者還其直 端拱二年五月詔應南京及諸道州府民間酒肆輸課者自來東京去城五十里西京及諸州去城二十里即不說去縣鎮遠近今後須去縣鎮城十里外奉化二年八月詔兩浙諸州先是錢俶日募民掌權酤酒醢壞吏猶督其課民無以償湖州萬三千三百四十九緡衢州萬七千二百八十三緡台州一千一百四十四碩越州二千九百四碩七斗並許棄之勿復責其直 四年四月詔諸道州府酒榷歲費數奏不得用官倉軍儲但今就善價以糴酒區及役夫糧廩並以錢給之 五年四月詔天下酒榷先是分遣使者監筦歲取其利以資國用自今募民掌之減常課之十二使其易辦勿復遣吏預其間 九月有司言諸道州府先置權酤募民掌其事內四百七十處歲課無幾願一切罷之但責勸收直詔從其請先是程能建議置天下

酒榷所在以官吏專掌取民租米麥供用以官錢市糶薪給使者工人俸料歲得利無幾而主利規其盈羨以為積醢齊不良潔酒多醜壞不可飲至課民婚葬量戶大小令酤小民甚被其害州縣苦之太宗先知其弊已詔減課募民掌其事至是又令賣麴公私皆以為便 真宗咸平五年五月十一日命度支員外郎李士衡閤門祇候李洵訪陝西諸州增酒榷之利先是士衡上言陝西榷酤尚多遺利今西鄙屯戍至廣經費實繁望遣使制置其事可濟邊用而不擾民政有是命 六年十一月江浙淮南制置使秦義言諸州清酒務甚有遺利乞差官詳酌制置帝問義以經費之廣有此規畫若下不獲其利則非悠久之道可諭義等酌中而行務在通濟遂命義舉朝官一員同往制置 景德元年閏九月罷江淮荆湖制置榷酤先是發運制置使秦義等上言乞差朝臣乘傳諸郡增榷酤之課至是特令罷之 二年正月戶部判官李防等言江南諸州所增榷酤錢頗為煩擾屬歲儉已權罷之其淮南兩浙荆湖路亦望停廢俟歲稔如故從之初制置茶鹽秦義規畫此制以助軍旅之費至是帝覽防等奏命亟停罷仍詔義等自今榷酤之課悉仍舊貫勿復增益 四年二月詔曰卜洛之郊久深冀望從人之欲爰示省巡務敦寬大之風以暢和平之化榷酤

之法雖有明規兩都之間實無異等矧三川之繁會極千里之浩穰方合歡心豈怯改作持弛科禁永中便宜用中濟物之懷庶廣及民之惠其西京清酒務宜令停廢一依東京體例施行令三司規畫以聞 四月詔曰權酤之法素有定規宜令計司立為永式自令中外不得更議增課以圖恩獎先是遣使檢舉天下酒稅頗為煩擾且競以美利邀寵遂罷其事而條禁約之 大中祥符五年六月涇原路都鈐轄曹瑋言沿邊諸寨許令人戶買櫟酒店直於寨外邊上開沽恐隱蔽姦惡乞行停廢從之 六年三月詔諸處酒麴場務止得約造一年合使酒麴交與後界如於一年之外多造並即納官若將不堪使用酒麴交與後界者並仰毀棄仍勒運以聞先是開寶中嘗有是詔其後定教大誤有利者至是因小民買櫟場務有欲俸而與訟者開封府引是教以聞故申明之 十二月十二日詔諸州軍酒務委監官親視兵匠盡料醱釀其有酸敗不任酤者官吏悉均償之初漢陽軍監酒梁紹熙委兵醱造不如法而酸敗數百斛計償錢貳二百萬三司因請條制故也 二十四日詔許民間市官酤置坊鬻醕 七年二月詔應陝西諸州軍縣鎮酒務衙前及百姓諸色人等已增添課利買櫟轉運司更招人添錢割奪自後不辦欠折無償令本路轉運司及本

州勸會特與除放 八年六月詔令麴院出榜名在京酒戶除本店自來
贖買麴貨於大中祥符五年至七年內取一年中等數立充本店舊買麴
額外相度逐廂市肆人煙別認所買麴貨數目依例贖買只得本店造麴
般權清酒出門須得於指射廂分界至內開店沽賣仍與限一月內經麴
院投狀以認買得麴多者許令置店開沽如更要添買不以數目多少並
聽取便贖買即不得虧元格并添買數及城外印造乃三年一替如開沽
後更有添買麴貨則奪須候三年滿日即得承替開沽其贖麴抵當物即
依麴院久例施行 天禧元年九月判三司都催欠憑由司張師德言准
南鄉村酒戶額少者並望停廢從之 二年閏四月詔應災傷州軍實權
酒場年額不登者如稅滿願仍舊沽賣者聽與展限一年 三年六月光
祿少卿薛願言杭州酒務稅課一十五萬貫都作一務望折為三務詔三
司定奪以聞 八月三司言白礬樓自來日輸錢二千歲市官麴五萬主
掌三歲無通負者與班行十五年來豪民承貨大虧本錢繼日積欠以至
蕩破家產填輸不足錄是兼以外縣場務復迭與爭競冠率曰如此國家
所得至少所損乃多若令三司與減日賃之直仍許取便收市官麴亦不
煩酬獎其外縣場務並令三司舉官監轄從之 詔限下中外以為便 十

一月詔自今犯私酒麴並令極刑 五日知應天府王曾言本府酒場民
戶買撲最高年額赴納不前已兩戶傾竭贖產乞今止令三戶管認累嘗
被訴而掌計之臣慮虧減歲課不許蠲免帝謂輔臣曰南京太祖興王之
地比於他處尤當優恤豈可以茲小利致傷公私可俟將來赦文中特與
減仍令依西京例任人買麴釀酒 十七日詔曰乃眷南京肇基王業分
宅式均於神壤推思宜異於庶邦其南京酒麴課利元是百姓五戶買撲
最高年額三分餘賁起辦不前已兩戶破竭家產只勒三戶管認累訴三
司恐減年額未有與奪特許依東西京例招召眾戶取便買麴造酒沽賣
所有合行條貫事件仍抑三司擘畫以聞 十二月刑部員外郎直史館
劉鍇與陝西轉運使同定奪本路州軍縣鎮買撲酒務課額及當經災傷
輸納不逮者併祈以聞 四年正月開封府界提點諸縣公事張應物言
諸縣酒務為豪民買撲坐取厚利自今請差官監權仍委三司保舉從之
乾興中罷舉官天聖四年應物復以為請仍照依前舉官七年封者又言
諸縣酒務課額多虧蓋監臨之官皆是保舉勾當多相庇匿不言自今請
止委審官三班院差人監當自是遂罷府界舉官之制 三月知制誥呂
夷簡言兩浙路縣鎮酒務請聽仍舊買撲量增課利從之 八月直利館

劉鋹定奪陝西一十一州軍買榷酒務累經增課復以災傷迭輸不足當減分數詔買榷酒務積欠課利是勾當人歲滿願復勾當展限一年十月兩浙轉運副使方_{原空}荀言本道州軍酒務課利舊額止十四萬貫遺利尚多請差官比較從之自後官自酤釀歲增課九萬八千貫文 乾興元年四月_{仁宗}即位未改元兩浙轉運司言杭州酒務每歲費酒一百萬緡每緡官價六十八文本務添作七十七文歲收羨錢二千貫自來以錢顧民充役今請罷顧以錢募兵士四百人隸本院充役事下三司請如所奏從之天聖三年江寧府復援此例請募兵一百五十人詔亦許焉 仁宗天聖元年八月太常博士王軫言諸處酒務先係買榷近來官自監酤者所須米麥多以賦稅折科民頗勞費如又侵損軍儲而每歲課利多有不登望許復百姓買榷事下三司定奪請如所奏仍以大中祥符元年至乾興元年内取一年課高者為額從之 三年十一月上封者言西川州軍酒榷場自來依敕於衙前中取曹主持重難事務者令買榷勾當若許人添長買榷應長詞訟別致敗闕望下益梓利夔四路轉運司據轄下州軍酒榷場務依舊額出辦不許加增劉_{原空}搢帝曰小民爭利煩擾官司誠如所奏遂與指揮 十二月三司言太常博士王軾前建議官開酒務召人買榷

事已施行其間甚有欺隱額錢就年額從小買樣者緣元敕止自大中祥符元年至乾興元年取一年課利多者為額又慮自天聖元年後復有課額增大者望令兼取為此自餘課額及一萬貫者不許買樣從之四年七月三司言陝府西轉運司狀永興軍秦坊等州自來只令人戶買糟造醋沽賣各獲厚利入己已牒逐州軍差官截日官自置務醞造沽賣候收到課利別具供申宰臣王曾等奏權酷之法起自前代已是曲取民利蓋以軍國需用經費至廣未能除去今復醞醋尤更瑣細欲只令永興軍秦坊州各人買樣酷賣并其餘州軍並不得官置醋坊帝曰此事尤可行速與指揮五年五月權大理少卿公事董希顏言河北州府縣鎮酒稅務各有京朝官使臣監當外轉運司更差諸處得替見任幕職官等比較侵剋民利於理不便詔罷之八月詔三司白礬樓酒店如有情願買樣出辦課利令於在京脚店酒店內撥定三千戶每日於本店取酒沽賣六年九月御史中丞晏殊言遇天府縣鎮村坊買樣酒務本路轉運司率例勒添長課利方許勾當深慮久遠增添不已難為赴辦天陷官錢乞令小可場務今後不得增長課利所冀公私便濟從之七年開封府言詳所稱小可場務而無指定年額錢數令請以年額一百貫以下者定為小可

從之 七年七月八日詔先是民間吉凶之事並令取便沽酒不得抑配
訪聞江淮兩浙荆湖南北路州軍買撲酒店尚敢抑人多酷輒出引目自
今不得復然州縣覺察及許陳告犯者斷訖代之仍與重難差遣 八月
二十七日 upper 封者言權酤之利債歲既多日比年增賂無止息糜費為費
兼資充碩但以設法為名全忘壞俗之本十家之聚必立課程比屋之間
俱有醞釀恐非禁人群飲教人節用之道也 大國所入自多何必於茲競
利今已定場務雖難改更逐旋添滋所宜止絕望今後鄉村人戶乞報額
開置酒務及添錢剋奪或非因贖關無人承替有利息處官自開酤並皆
止絕如此則捕禁游惰無損課程事下三司三司上言應於鄉村報額幹
釀者自今不得以課額多少官司無得受理若報立縣鎮合置務者亦長
吏體量奏裁其縣鎮村幹酒者自今以三年一替若有增課剋奪者並官
吏體量須久遠辦及委不虧欠既保明奏裁亦不得非時剋奪妄信小民
一時之利久遠却成敗闕其見係幹釀者若本人願退及無人承當方許
官酤官司不得為因出得課利孽畫官酤違者罪之奏可 十一月二日
開封府言開封縣民樂守元郭順所居各去城三十里之外先幹釀村酒
因水壞屋櫃徙三十里之內檢會舊條惟有將外酒入界及私造麴條外

今詳村民造麴本亦酤酒出課即與私造異科望自今有如此類者減造私麴條一等定罪若犯酒多自從重法奏可 八年十二月十一日三司言諸路州軍差酒務雜役酒匠人等乞揀選無過犯軍人充不立年限如作過犯臨時相度替換從之 九年正月四日淮南轉運司言準詔州縣酒務醞匠役兵無得差有過之人仍以一年為替又接天聖編敕造麴酒並抽應役軍士以一年為替不得給錢傭顧淮南二十一州軍醞匠多新犯配軍之人亦有準祥符編敕月給錢傭匠之處自準新詔揀選替換皆少得人緣醞釀課多欲望自今應選醞匠並須無過者役一年若無過且留充役事下三司三司言酒課數多不可輕為改革望自今役兵以一年為替醞匠不計年若舊負過之人委所自體量自醞釀後無大過者且留充役甚者即時選替舊給錢傭匠之處亦仍舊貫從之 四月五日三司言內酒坊歲釀糯米八千斛望委壽州上供奏可 明道二年十月三十日兵部員外郎王碩言前知潭州日本州人民多醞造私酒體問得或婚姻祭祀雅尚白酒雖官務美醞終不成禮是致侵虧官務課利欲乞放令任便醞造即不銷官務沽賣詔差碩與本路轉運使同共定奪八州軍監酒法具經久利害以聞 景祐元年正月六日詔諸州軍官酒務若衙

前及無蔭人願買櫟者聽之 二十七日臣寮言諸道州府軍監縣鎮等
酒務自來差官監處乞不以課利一萬貫以上並許衙前及諸色不該罰
贖人一戶已上十戶已未同入狀依元敕將城郭草市衝要道店產業充
抵當預納一年課利買櫟從之 四月二十四日安平縣主言夫吳守正
父元扈元隨范喜居連水軍伏見海州沐陽縣周穰村酒務衙吏幹釀欲
聽喜添錢開酤詔開封府召喜及寫狀人本官勾當人勘罪施行 七月
九日詔編敕買櫟鄉村酒務課額十貫以下停廢以上有人承買櫟勘會
交割訪聞十貫以下有不停廢却哀私分擘三兩處沽賣只作一戶納錢
令轉運司覺察禁止如不及十貫依敕停廢不得哀私分擘別處酤賣只
作脚下名目開酤違者嚴斷麴米動使並從納官 慶曆元年八月十六
日三司言兵久屯陝西而軍費不足尤藉天下酒權之利請較監官歲所
增課特與酬獎從之 二年正月七日審刑院大理寺請自今州縣官監
酒務處令五家相保如有私酤坐五保奏可 四年二月十八日詔諸道
權酒課額三萬貫以上各舉官監當如聞州縣良吏由此遷徙不務民政
宜令五萬貫以上處方許舉官 嘉祐六年五月十四日詔諸知軍州及
兵官許造酒者毋得賣易及以折物價

宋會要

酒稅

治平四年五月十四日神宗即位未改元詔除在京酒戶所負麴錢十六萬五月十九日知諫院邵亢等言聞陝西轉運司拘收衙前買撲酒場入官乞特行降黜詔陝西轉運本司條所以聞其後本司言拘收買撲場務入官凡二十七處乃詔官監一年不及三千緡以上即令買撲如故自今有餘衙前買撲場務却欲拘收入官者具因依聽裁二十一日詔江南近年衙前所乞役置村酒場彊率人沽酒者罷熙寧四年六月四日神宗詳定編修三司令式所刪定官周直孺言在京麴院自來酒戶沽賣不常難及祖額累經更張未究利害推究其原在於麴數過多酒稅亦因而多多則價賤賤則人戶折其利為今之法宜減其數增其價使酒有限而必售則人無耗折之苦而官額不虧矣請以一百八十萬斤為定額遇閏年則添踏五十萬斤舊價每斤六十八文請增作二百文省舊法以八十五為陌請並紐計省錢便於出入舊額二百二十二萬斤計錢三十七萬貫今額一百八十萬斤約計錢三十六萬三年一闕十五萬斤計三萬貫又減小麦萬餘碩及人功並不虧元額錢數况免賒麴酒戶虧少官錢借

質契書及公私費用不過每斤添支十文令用麴無餘官物無積况國初
麴價二百文八十五頃太平興國六年始減五十并具到酒戶情願事件
從之十一月四日官有瑞章服九年二月十六日提舉市易司言在京酒
戶或用糯米三十萬石此者連直江浙災傷米價湧貴欲選官二員詣出
差處預俵見錢收熟日折納從之十月十二日侍御史周尹言川陝州
縣鎮酒務許令諸色人於課外管認淨利錢召保當官買撲造酒沽賣如
沽賣不行無錢納官或實家產蕩盡方勒保人陪填訪聞成都府路州縣
酒務多有虧敗蓋是買撲人故作弊俸不時送納淨利喪私陰寄錢物立
詭名置買田土及司官催督惟委保人破賣家產出錢納官欲已下成都
府鈐轄安撫司專切根究管下如有巧為弊俸隱寄錢物詭名置買田土
推委保人破蕩家產及昏賴無干礙之人財物陪填即於法外刺配詔司
農寺根究依理施行十一月四日詔提舉市易司住行計置糯米收糴
在京新米與已糴未中半支在京酒戶俟支絕令人戶任便官私交易俵
米官罷歸合屬去處元豐元年正月二十五日三司乞量在京酒行麴
錢於年額減麴三十萬斤過閏年增造萬斤均給從之二年三月二十
三日詔敗折場務買撲等錢保人當填納者委提舉司具拖欠年限歲置

凶及保人家力當給日限申司農寺詳度指揮從本寺請也五月十六日
命檢正中書戶房公事畢仲行同三司講究趙法利害以聞 二十五日
三司請於潭州劉陽縣永興銀場置酒稅務選官監臨從之歲入隸提點
鑄錢司市銀封樁 八月十三日詔在京賣趙以百二十萬為歲額斤錢
二百五十候賣及舊額後舊價酒戶所負白糴糯米錢更展限二年帶納
又有未清趙數十萬斤悉蠲之京師趙法自熙寧四年定以百八十萬斤
為歲額斤錢二百後多不能償雖屢倚閣未請趙數及減歲額為百五十
萬斤斤增錢至二百五十猶不免逋欠酒戶又負市易務白糴糯米錢五
十餘萬緡至是戶房檢正官畢仲行太常博士周直孺同三司講究利害
迺請減趙額為二百二十萬斤斤為錢三百均給七十店令月輸錢周歲
而足月輸不及數計負倍罰又炊醢不以時擅增器量及用私趙皆立告
賞法悉施行之而裁其價 九月二十九日三司言人戶買撲官監及非
新創衙前場務所增收收錢並合入三司帳而司農寺以為官監場務外
皆自新法拘收錢不當入三司乞面以助募役兼歲入百萬緡於市易務
封樁若失此錢恐不能經年辦久之乃從司農而請 三年六月二十六
日詔在京酒戶見帶納舊趙錢及倍罰錢者展半年不曾該於倍罰者免

三分之一 二十八日京東路轉運副使李察言近歲聽民買官監酒務
增羨則利入私家虧折則通負官課由此暗失歲入乞資酒務人欠淨利
若雖無欠而課贏可以官監者皆獲之仍乞不舉常制奏舉監官增助財
計從之 四年二月十一日詔增永興軍乾祐縣十酒場縣令姚輝言縣
界九六百里戶口增倍止有兩酒務乞興置故也 五年正月十八日大
宗正司言外住宗室母得造酒許以舊宮院尊長及近親處寄醞從之
四月二十八日詔在京酒戶欠糟米錢展三年均作月限納內罰息並除
之 八月二日詔行下酒戶倍罰趙錢三分已放一分外更免一分 六
年二月二十四日提舉開封府界諸縣鎮公事楊景畧獻造供御酒趙用
竹園杖杖案法詔從之 九月四日京東路轉運副使吳居厚言本路酒
務稅課利增百七十九萬五千餘緡詔三司可議實典詳見西稅門
哲宗元祐元年二月六日侍御史劉季言坊場之法舊制撲戶相承皆有
定額不許增擅價數輒有剽奪新法乃仗實封投狀許價高者射取之於
是小人微一時之幸爭越舊額至有三兩倍者舊百緡至千緡者交相囊
囊虛張抵本課額既大理難數辦於是百緡隨起矣至虧欠州縣勞於督
責患及保在監錮係累終無賞納官司護惜課額不為減價則誰人從肯

承買今天下坊場如此者十五六處故實封增價之所得比徵收關之所
失殆為相補也乞罷實封投狀之法委逐路轉運提舉司將見今買名淨
利數額與新法已前舊相對比量及地畝優取酌中之數立為永額一用
舊法召人庶乎承撲者無破敗之患而官入之利有常而無失也 十一
月四日詳定新法旨所待御史劉季乞罷坊場實封投狀之法立酌中
數為額被旨相度今欲委本州若界界有增無減取次高一界為額增虧
不常取中一界為額前後次多及界限無人承買比最高價虧及五分已
上者縣相度申州州與轉運司次第保明申省仍立價界滿承買抵當約
束餘並依舊條從之 六年十月一日戶部請應承買坊場務元係官監及
敗闕者課利錢並不支移折變旨若界滿一年無人承買亦與依減放
淨利分數免支移折變從之 八年七月十三日戶部言買撲坊場務課利
錢數增虧全在人烟多寡昨來省併興廢其課利量行增添既人烟稀少
沽賣運細亦合裁減緣元祐敕只有廢置州縣廢鎮寨處坊場務有量行增
減之法其割併縣分鎮寨之處乞亦依此施行從之 紹聖元年六月十
四日權發遣淮南路轉運副使溫公卿言監司所以糾繩郡縣而元祐初
所用多係老疲懦是致吏事廢廢財用窘乏齊州自元祐元年至八年終

茶鹽酒稅比祖額共虧四十萬九千餘貫以一州推之則天下可知欽乞
立法考察懲勸詔京東路轉運司具元祐元年至八年終本路鹽茶酒稅
并課利場務等比祖額虧欠數以聞九月二十五日詔府界并諸路酒
務年終課利增額並依元豐賞給從三省請也三年五月十一日詳定
重修勅令所看詳天下場務應見糾淨利比之元豐以前五界內酌
中一界錢數高虧者並不許接續承買餘並依元豐法從之十一月十八
日殿中侍御史陳次中言監司自元祐四年後取酒課增虧及二分者比類
取旨賞罰請令戶部責限勾考從之四年九月八日三省言近詔府界
諸路提舉司將元祐年并已前應承買場務除已籍還財產并保人所贖
償納外據見欠分三年催納詔元認外更展三年

徽宗建中靖國元年三月二十一日戶部狀欲乞將鎮寨廢置割併道路
移易市店興廢場務並祿廢置州縣法申監司審度依界滿法名人承買
詔從之大觀二年正月二十九日詔今後諸路應官監酒務並依在京
庫務法監專司立界管勾若遇欠折並勒定分數令監專司備從開封少
尹宋喬年請也三年七月二十三日臣僚上言竊以常平場務錢物國
初以知州衙吏自吏祿之制行遂用為衙前雇募食錢餘皆封樁以待朝

廷之用其他費用不係差衙前者不得支也伏見比年以來州郡多以公帑不足乞添公使以坊場前支給計為一歲所增之數不啻二十餘萬雖皆是朝旨支破然官司陳乞無狀州郡不知撙節用度唯是奏煩朝廷如帥望大藩及信使經由道路多以不限名數進酒往往創皆陳乞顯屬僥倖若不裁約禁止恐朝廷封樁錢物寔為州郡厨傳之費侵耗良可惜也其間固有增置官吏合行量添去處其不必添賜過多者固不少矣臣愚欲取自唐旨詔有司考元豐舊制詳議施行詔令戶部具應緣添破公使支過封樁及坊場錢數申尚書省四年三月二十五日戶部奏轉兩浙運司申官監酒務所自來將樁錢收入酒錢充比影帶不見增虧乞今後賣糟錢別立額比較從之政元和中四年四月四日戶部奏臣僚上言鄂州漢陽軍諸縣賣麴引並不候人戶有吉凶聚會情願請買多係違法抑配大收價錢侵漁播擾詔諸路監司嚴切覺察今後若涉抑配大收價錢速舉勸依條施行二年四月六日戶部奏修立到下條諸非言而冒鄉村人戶姓名或用以次家人請買麴引違酒者杖八十曹吏保正別形勢之家者加二等許人告從之十二月五日中大夫集賢殿修撰淮南江浙荆湖制置發運副司董正封奏杭州都酒務申於天下歲課治平元年

已前三十萬貫自後收越不及蓋以務局廣闊難於檢察詎造浩漸越數
減裂及州地里遙遠止有一處沽買人戶往來不便是致沽賣不敷今收
不過二十萬貫臣竊見潤州都酒務累年虧欠因監官李遜乞添置比較
務連歲每年務錢二萬餘貫累使賞典欲望本路將杭州都酒務十分作
三處更置比較務二所不消增添官吏兵匠所費易於檢察可以增羨少
助歲如蒙施行其本路州軍並乞添置比較務詔從之其乞本路州軍
添置比較務今轉運司相度施行 四年四月十四日戶部奏兩浙轉運
司申乞置比較務從都酒務監專酒匠那撥分定課額各自造酒收起課
比較增虧賞罰等本部看詳杭州課額係二十餘萬貫分為四務比較利
尚書省勘會本路州軍課額多寡監官員缺例皆不同若獨負者難以增
額分認造酒理當隨釐務監官員額分定更不增置官吏諸色額詔酒務
雙員處分二務三員處分三務四員以以員額雖多即不得過四務以如
有監官雖多其課不廣不消分務去處即聽依舊仍具已如何分定詣實
文狀申尚書省 十六日荆湖南路轉運司奏本路諸軍監在城四外縣
沽賣酒貨有糟醅亦係出賣依條所收價錢內五分以提舉司五分本司
支用緣每斤只計錢一錢三分或一文五分况糟醅並係民間要用其合

收錢數自米未有關防逐年諸州縣歲賣酒糟不下千萬理合添價出賣
今相度欲將本路州縣見賣糟價上不以官私收買每斤添作三文足
出賣每十斤仍加耗三斤舊額錢依法與提舉司分撥外其今來新添錢
數乞專充本路直達糧綱水夫工錢支費州縣報將他用乞科杖一百之
罪詔從之姑舊米有賣價高處自依舊其應行直達綱路分依此 十月
二十三日戶部奏修立到諸處酒務兵士專充達趨驅造役使依格本州
選刺廟軍充請酒務指揮本營寄收專指刺人數及有營房差役依舊遇
酒匠關聽選或充其有違犯不可暫留者專指刺人准此 改刺本城若路
趨蒸炊雜役須添差兵匠若差係役兵級通計不得過舊制之數酒務每
年一替酒匠得力聽西關或須雇人者聽和雇從之先是淮南路轉運司
徐宏中言監酒務唯真州有清務兵士乞於其餘去處亦各專置得旨
從所請仍令戶部立法故也 六年十二月十一日戶部侍郎任熙明等
奏天下衝前支酬重難諸路公使捕盜賞錢等並以坊場錢應到然場務
有因水患或道路僻左商旅不至則停開者以京畿河北等七路會之計
二千有餘處欲望聖慈專責諸路提舉將見開場務詳究利害措置相度
可與不可移置或行合併具事狀保明以聞詔坊場之利以祿在公之人

免徭役之弊官吏弛廢不舉者凡二千餘所則所入不足以補所出可依
所奏限一季興置以聞 八年十一月八日詔今後人戶依法納錢買引
於鄰近酒戶寄造酒麴不得非理抑配科買其錢並依朝廷封樁仍令戶
部立法申尚書省 宣和二年十月二十三日詔諸權貼漕計所仰逋來
縣違法失職公使庫酒貨侵奪官課及私造公行例虧歲額仰諸路漕臣
督責州縣措置官貼廢裁私醞如有違慢貪汚不法去處按劾以聞當議
重加典憲 六月二十七日戶部奏伏覩諸路州縣坊務有監官去處元
隸運司人戶冒撲去處所收淨利名曰坊場錢並屬常平司以備雇募衙
前綱費支酬重難州郡公使之外歲起上供一百萬貫利入浩博各有司
存故有照豐和法諸以買撲場務不許學畫官監至元祐中諸路申請凡
天下場務利入稍厚者皆轉為官監以致其餘場務出賣不行浸成敗闕
紹聖繼述中嚴舊制復立徒二年之禁蓋欲革絕侵界之弊使買人各得
安業法意深遠纖悉具條 迨承臣僚妄有申陳公肆違令今措置除貼賣
興盛酒場合通依見行條法不許經畫官監外其在縣鎮界滿無人承買
者今後提舉常平司計會轉運使同差官體究事因從違司公共相度如
可以經畫官監同具事狀保明申戶部審度行下訖奉內淨利錢止依見

承買人所納之數今轉運司認為常平司餘並依崇寧五年二月十五日
已降約束施行從之 三月四日詔見任官將所得供給酒抑既令買撲
坊場戶出賣者以違制論從提舉荊湖北路常平鄭處恭請也 七年二
月七日尚書省言詳議司劄子諸路漕計全仰酒課所用米是近米價高
計用虧本欲乞將虧官本最多場務米是如係折缺即用實直中價係額
到用免額價先將三兩省召人承買詔依及措置行下令欲令諸路轉運
司委官分頭去處州同當職官限一月取索造帳隔手磨算中轉運司
覆覈訖具合賣去處一面依條出榜召人承買從之 九月四日詳議司
奏河東雲中府路轉運副使李西美劄子本司欲將本路酒務虧官本去
處並從本司斟量所在繁慢立價出賣本司看詳欲契勘今年以前三年
內有虧本年分即合通取以前不虧官本三年所收課利內除米趨磨四
費本錢外計淨利均為三年課額召人承買欲申明行下從之 以上國
朝會要

高宗建炎二年五月二十八日提舉兩路常平等事曾玘言嚴衛等州坊
場廢壞無人承買盡是百姓分認名課仍一舉承認十分至有需田地以
價者欠已比附提舉司申明曉劫酒坊若著價虧三分許令給賣之文將

無人承買酒坊名課止令認納七分日前拖欠與銷退三分詔依內見
無坊屋法物去處折狀日着價雖低但虧不及三分已上者依宣和四年
四月十日朝旨權行給賣一次候界滿即依舊額 四年二月二十五日
詔令福建路漕司帥司提刑司公共相度措置權沽有坊礙仍其官監或
名人買撲或給賣題引方許造酒孰為利便以聞 十一月十二日兩浙
轉運副司曹新言本路近年以來米麴高貴其見賣官酒尚依舊價會計
所得淨利十無一二其間亦有反折官本去處其拍戶常患沽賣不多日
逐淨論撓占資次至有偽作磨頭買酒之人可見官酒沽賣得行今相度
欲將諸州縣出賣價內和酒每勝權添三十文足常酒二十文足兼自今
後州郡並不申明擅增酒價沽賣濫別作支磨收管吏緣為姦其姦百
出見一面休究止絕若明降指揮量添價直不唯於朝廷財計有助亦實
杜絕姦孽權依所乞增添上等每勝添錢二十四文足下等每勝添錢一
錢一十八文足仰轉運司拘收權管不得擅行移用諸路依此候米麴價
稍平日依舊所收酒添錢除今日以前見分撥充經制錢名色添酒錢併
今次所添錢數外其已前應不曾中取朝廷指揮監司州縣一面擅添酒
錢並罷 紹興元年三月三日戶部言欲乞且將兩浙見開沽酒場不以

幾界並於見買撲價上添增利錢五分均月分送納入官如不依全界即
紐計合增錢數施行其所添錢數與免貼供抵當仍令州縣將上件錢別
項舊管專委通判拘收每季起發行在戶部送納仍本部令項舊管非奉
朝廷指揮不得輒行支用及乞委提刑司案檢如輒敢隱蔽不實或自便
用按劾施行疾獲補助軍與用度候見次第其餘路分別具申請從之
十月十七日知興國軍王綸言本軍諸處酒務及坊場稅課既盡今欲將
大冶并通山縣酒務不拘命官商賈等願以家財計置許於本務連酒出
賣月納淨利以補支費仍乞鄴州或鄴路人并富商具實願以金帛之類
抵當買撲者從本軍相度量減抵當及課額元數許各本土名保明認
認權以此措置候及三年依本條施行 十二月十八日權戶部侍郎柳
約言諸路近言造酒米麴柴薪物料比之上年所賣數倍昨曾行起請不
得擅增酒價雖近降指揮却許隨宜增添今來紹興府在城酒稅每造一
碩除本外全無利息餘外更有盡專請給計之所得不償所賣今欲乞將
諸路州軍官監酒稅見今每勝上善權添錢二十文足下善添錢十文足
內一半提刑司拘收別項舊橋一半專充本州應副軍期支使候
未起價平日依舊從之 二年四月八日詔州路州縣人烟不至繁盛處

酒場依內地改置清酒務造酒出賣所收息錢除還淨課利外其增收錢
實濟助支用 六月二十四日江西運副吳革言臨江所置比較務委

是利便乞權創置臨江軍在城比較務差見任官兼管每月支錢十貫文
省其收到賣酒錢自合依條分撥撥發上供經制諸司所得錢數應奉路
未曾復置及自來不曾置比較酒務州軍仍乞下江南西路運轉司逐旋
覈見可以興置去處從本司保明施行從之 三年十月十九日知

肅梁汝嘉言臨安府素號會府前此費用悉藉酒稅今日事體既倍於昔
用滋廣而酒稅之利益薄蓋稅課以駐蹕之地或多闕除而酒課比之往
時十無三四乞給降度牒五百道以周給關詔令礼部給降兩浙路空名
度牒三百道付梁汝嘉專究造酒兼支用 十一月二十三日詔令兩浙

江東西路提舉司轉運司同共取索管下州縣買撲坊場將興盛及過界
并減定淨利錢若敗關去處各條具利害自來逐場有無造酒年額并差
官點棧依利申戶部其官務若管酒價錢而拍戶沽賣私價大段高貴
落厚利自合隨宜增添仍令逐州軍每季具官務酒價與市價有無虧
申轉運司檢察 四年四月十二日江南西路轉運司運言濫計之實惟仰
酒稅課利資助支遣比年以來州郡多以應軍期為名更不請降朝廷

處分一面擅置比較通務回易庫將漕計錢物不取撥充本又於諸城西門增置稅務其逐處所收課息並不分隸諸司是致所在軍期稅務往往增羨舊務例皆虧欠其諸城門稅正與軍期事務事体一同欲下諸路降帥司措置贍軍及諸州已得專降指揮許置場務外其餘不係朝廷指揮州郡自行創置比較酒務并回易庫及添置逐門收稅去處應于官物及合起課額並并入漕計本州不得擅便磨收置仍乞令轉運司將已起手前收置錢物委官駁磨詔依如有不遵條創去處仰本司具狀申尚書省取旨點責 七月二十一日戶部侍郎梁汝嘉等言臣條言節文為國用滋廣將高稅酒鹽之利令三省措置還汝嘉等同共看詳講究條具子細利害申尚書省汝嘉今先次相度到酒稅權貨糧本合行措置如右一比年以來陳獻財賦利害之人往往皆以給賣酒務為先此事有利無害固已分明止緣諸司分隸錢物各有窠目發納支用難以一切罷去兼負多闕少之時重於減罷監官所以議論不一至今不行今相度諸州酒務課利數多未可便行外欲先將諸縣官監酒務並以祖額比較最多之數為委逐路漕臣備置召人買撲所有官監依舊存而專監稅務兼令拘收上上件錢其收到錢一依舊數分隸諸及本州支用今未敢措置所有違年

年科撥送酒糯米及踏麴小麦以五年內一年最多數為率依舊科撥令轉運司於逐州委通判一員專一稽管聽候本部支取今來措置各令買撲即與常平坊場不同若依舊法召人實封投狀承買即恐其間未有人承當去處却致拖延今欲不舉人數多寡但均及元額並許分買詔令諸路轉運司限五日相度的確利害申尚書省十一月三日兩浙轉運副使使吳革言本司應辦上供贍給一路官兵用度不貲今來車駕臨幸平江府即目軍民額家沽買得行本府得舊有都酒比較兩務各條舊來分定拍戶管赴課額今乞行下平江府權行踏逐穩便去處添置比較務一所造酒沽賣權免分隸諸司應副資助漕計等用支其合用本柄本司與本府通融應副循環作本所有監官乞從本司路逐中差大小使臣或京朝官選人一員并委保見任官一員同其管幹從之五年閏二月五日新

知揚川葉煥言乞降指揮就近借撥錢二萬貫文充酒務造酒米麴本錢俟收發課利寬剩撥還詔支降錢五千貫一半令鎮江府權貨務支給見錢餘令札郵給降兩浙空名度牒紫衣師號五月十日江南東路轉運判俞侯言州縣酒務課利自崇寧以後節次添收諸司錢及增長價錢並收兌上供如雨所路錢及一半江東路亦近三分之一近歲米麦高貴所

所得利息不能給諸司等錢是致州縣不復究心措置止是近及舊額更
不增越乞將紹興二年後三年課利取一年酌中或最高諸司錢數立為
定額如額外增羨更不分諸司等錢使州縣可以極力經營越禱以給
用度不為小補戶部言欲依所乞仍令轉運司官取索錢三年最高之數
具收申朝廷立為定額從之 六年十月七日成都府潼州府夔州利州
等路安撫制置大使席益言奉詔令益相度減罷四川酒務監官令相度
下項一裁四川州軍縣鎮酒官共一百七員一鎮市酒務係收息微細去
處已行廢罷潼川府路資州資陽縣三江鎮各裁減一員渠州夔州各裁
二員一改置酒務專差監官緣自宋係四川都轉運司踏運差役乞今後
令依選法選曾歷任有舉主無贓私罪犯人申四川安撫制置大使司差
從之 十二月二十八日詔諸縣酒務不得行殭科率人戶納錢如違卽
監司按劾聞奏取旨行遣及許人戶越數以臣寮言江東饒州諸處屬縣
官賣酒者別置比較務科定人戶納錢收錢既多因亦妄用民不堪之故
有是命 七年四月二十四日詔措置戶部贖軍酒庫所已降指揮之將所
得息錢等每旬赴左藏庫送納今項椿管贖候朝廷指揮更依 同日戶
部侍郎梁汝嘉言初會戶部酒庫八處除已措置五庫間沽外有三庫合

行創置又自今諸庫路造麴藥百萬浩瀚全籍官屬監督應辦元中請盡
一乞於見任官內權差屬官二員已差主官文字一員委是難已分頭幹
辦今欲依元中請更權許置幹辦官一員亦於見任官內差詔依請以應
給人從依主管官已得指揮候就緒日試罷 七月二十七日臣僚言諸
州官下外縣酒稅務監官例是魚管緣稅錢日收多寡不定難於監察多
寡是以餘數貼納酒息即將所造酒隨人情多數加饒及別造好酒應副
見任寄居官百端作弊或有偷購稅錢以酒息貼納去處情弊不一今欲
將又負酒稅務各差官主管從之 十一月六日戶部尚書章誼等言欲
於行在置贍軍酒庫詔依令戶部限一日條具行自件申尚省書於是戶
部言一乞委司農寺丞蓋諒同兩浙運副汪思溫措置應副一逐庫監
官乞委官一面踏逐諸曉場務造酒次第有心力官權差一員乞以措置
戶部贍軍酒庫所為名一合用本錢乞於浙東州軍合發總制司錢內截
撥五萬貫循環充本支使從之 八年二月二日戶部自外郎周業言乞
將贍安府都酒後洋比較龍山江漲橋四酒務係自來依法興置權依令
舊外自餘創行興置并諸軍無專降指揮酒庫脚店並行改充戶部贍軍
如贍安府酒務吏欲在面且權泊南北較務一處戶部所置贍軍較庫緣

創置之物全要脚店指戶收取課利淨息若不將逐處酒庫盡行拘收委
是侵損沽費不行今欲將陞安府都酒後洋比較龍山江漲橋四處并便
與存留南北較比及安撫司酒庫各一處且行依舊外其餘去處並所依
乞從之 九年四月二十八日戶部言殿前使酒庫已撥歸戶部今未撥
到五庫每庫合差監官二員未審合從朝廷及戶部差碑或令本所依已
降指揮差碑并使臣一員仍許通差校副尉下班抵應及手分一名書寫
人一名其請給抽差理為在司月日添給等並依已降指揮詔監官令指
置贖軍庫庫所依已降指揮差碑一次餘並依 十年閏六月一日戶部
侍郎張澄等言臣案乞罷措置所官吏悉歸戶部仍委一左曹郎官專領
之詔令戶部措置裁減中尚書省今措置下項一指置官二員人吏一十
人今欲依臣僚申請罷措置所官吏本部差左曹郎官兼領仍依昨未開
案照例領差本路漕臣一員同共應副其行移乞以照檢贖軍酒局為名
人吏等聽於本部并運司及諸處官司逐差所有合行事件令所委左曹
郎官別行條具申取朝廷指揮一本所官屬共五員今除主管文字官一
員欲存留兼管錢庫並幹辦職事題院官一員欲存留踏外題所并幹辦
官錢庫官指教官並行裁罷其餘幹辦官下手分發隨官罷并錢庫欲裁罷

昭司一名一今歲減罷官乞依省罷法施行人吏法歸元米去歲一措置
所前後支降過物前今限一月收簇見數細造帳今比部驅磨發行人吏
候驅磨畢日發遣一除今米減罷官吏外餘欲並依前後已降指揮及見
行條例施行從之 二十四日戶部員外郎陳康伯言今米點檢贍軍酒
庫其行移乞以點檢贍軍酒庫為名兼緣左曹郎中別無印記欲乞權就
用措置所關到印記行使仍差本路漕臣一臣同共應副近承朝旨差兩
浙運副張遜兼行措置贍軍酒庫今米合就本官同共點檢應副其已罷
措置贍軍酒庫所有存苗官屬使臣等欲乞並以點檢贍軍酒庫繫綱統
呼從之 十月十六日陳康伯言所管贍軍十一酒庫并趙院錢庫共一
十三處今諸軍發納課息即自置辦蒸造歲計煮酒全要人吏分頭主管
行遣緣舊來措置所係手分四書人寫人五人即日點檢贍軍酒庫止許手
分書寫人各二名委是人力不勝止乞量添手分書寫人各一名相兼行
遣文字從之 十一月十五日戶部言點檢贍軍酒庫自來止用關借到
奉使印記兼印文與庫名稱不同欲乞下文恩院改鑄銅印一面以點檢
贍軍酒庫八字為名從之 十二月三十日兩浙轉運副使兼點檢贍軍
酒庫張遜等言措置贍軍酒庫許置幹辦官一員近承指揮減置改作

點檢贍軍酒庫差戶部左曹郎官專一主掌今乞差轉運司主掌兼計王
贍不妨本職兼管仍每月量為添破蒸湯錢二十貫文依創於本所收到
五釐錢內支給從之 十一年四月二十日監行在戶部點檢贍軍酒庫
趙院張晟等言乞今點檢酒庫官將贍軍酒庫官屬比類行在場務依寺
監熙寧法荐舉吏部竊詳述官至依贍軍酒庫官屬其點檢軍酒庫官即
即未有立定詳荐舉條法今來逐官所陳在外贍軍酒庫係有本路監司
守臣及戶部長貳荐舉其行在諸酒庫官止有長貳并左曹郎官詳人
行荐舉乞未行在場務今點檢戶部郎官一員兩浙漕臣一員依寺監
卿少法舉從之 十二年九月一日詔鄂州諸軍酒庫令總領司罷置
趙院令軍中一面措置 十三年九月十日詔淮東總領司酒庫止於元
置州軍淮西江東總領司止於建康府揚州安府司止於本州開沽即不
得更於別州縣村鎮擅自添置脚店司今現有違法擅置去歲日下停開
內諸軍有似此開沽去處依此以臣案言總領司元拘收到下酒庫本於
置司處沽賣初未嘗散在諸州縣鎮止緣小使臣干求權局遂以總領司
脚店為名不以遠近於所在州縣村鎮發行添置酒庫開沽况諸州縣鎮
自有條省酒務今又總領司脚店侵奪省課足致係省酒務大有虧損有

欠又安撫司元置激賞酒庫本於置司處沽賣近來亦緣成就小使臣權局遂於管下諸州縣鎮增置酒庫以安撫司激賞為名其得奪省課與總領司事一體同政也 十五年七月一日詔夔州路將建炎三年後東應係添置酒店忘行施罷其大軍折估錢却將本司別項錢物令四川都轉運司對數取撥補填以四川宣撫司言夔州務緣係萬戶酒地分舊額酒店止有一百四十五處建炎三年內創添置六百餘處約增額錢四萬二千九百餘貫應到大軍折估緣本路鄉村荒僻民物蕭疎與東西兩川事體不同故也 十二月二十一日詔南北十一酒店並充贍軍激賞酒庫隸左右司今宋就依舊無點檢 十七年四月五日尚書右司員外郎蕭點檢贍軍激賞酒庫所宋視言本所管準備差遣三員並是權差在所幹當日逐分差往裏外酒庫監督稽察從來未曾正行差撥乞將準備差遣許從本所於小使臣并授副尉下班祇應內踏逐這有心力能幹事慣熟人辟差充填上件窠闕與理為資並二年成資罷從之 六月二十七日詔省四川清酒務監官成都府二員與元遂寧府漢綿印蜀彭簡果州等處順監并漢州綿竹縣各一員從總領司措置裁減也 九月二十六日詔省鹽江軍比較酒務以額錢併歸在城務從本路諸司請也 十九年

十一月十四日南郡教州縣係省酒務自合如法釀造沽賣收赴課額訪
聞近來監專多不用心措置弊端作樂遂致課額虧欠往往減少米麴造
酒科配鄉村抑令保正長認納價錢種種搔擾重困民力仰諸路轉運司
司下禁止仍令提刑司常切覺察如敢依前科擾即將當職官具名按劾
以聞及許人戶越訴二十一年三月一日知歸州侯恪言歸州巴東與
山兩縣人戶舊來送納麴錢從便造酒沽賣以所納麴錢補充逐年上供
起發昨緣本州招致義兵遂於兩縣創置務差本州指使監賣應創一一
時支遣所有義兵當時便行放散其兩務後來吏部因而使闕差官其兩
縣係是山僻小邑人戶蕭條全無課利委是虛張官吏枉費廩祿臣昨已
具因轉是乞罷兩務依舊降指揮令人送納麴錢從便造酒沽賣乞已
已蒙朝廷送戶部本部行下湖北路帥司及諸司審度經久利便違害保
奏去訖至今未見通司保奏前來望令戶部催促通司保奏取旨上四四
州酒課昨緣軍興張浚用趙鼎創置隔槽令既罷兵可令戶部取索措置
至二十五年五月八日詔省歸州巴東與山兩縣酒務令人戶依前送納
麴錢以本路諸司審度如格所請實經久利便故有是命又至三十一年
二月九日以荆湖北路諸司奏乞依舊存而止域罷監官令知縣兼管從

之二十四年正月三十日詔四州酒務監官今後四萬三貫以上場
務增及一倍減一年磨勘二倍減二年磨勘三倍減三年磨勘四倍減四年
年磨勘二萬一萬貫以上場務增及一倍減三年磨勘二倍減一年半磨
勘三倍減二年磨勘四倍減三年磨勘七千以上場務增及一倍增三
季名次二倍減一年磨勘三倍減一年半磨勘四倍減二年磨勘七千貫
以下場務增及一萬貫減一年磨勘二萬貫減二年磨勘三萬貫減三年
磨勘四萬貫減四年磨勘先是四川酒務係人買賣撲納與元年改作官
監權以建炎二年人戶舊買撲淨利錢數立額任滿比額任滿各立定等
賞給自立之後連年併增若止依元初買撲一界額錢依舊組賞顯屬
太優至是戶部有請改有是命六月二十二日詔知臨安府兼點檢錢
軍酒庫即與兩浙漕臣兼領上件職事一同許令存許令以前監行在臨
安給西酒庫管鑑有請也二十五日三月二日詔罷逐路漕司寄造酒
以待御史湯鵬舉言諸州縣寄造酒不支本錢不分諸司專用好米逐歲
增添不已本務酒未賣必要先賣諸司錢未解必要先解故也八月二十
四日戶部言舊法品官之家有官酒者不限數若私自釀造沽賣已有著
格罪賞禁約紹興六年續降指揮州縣寄居官及有蔭之家造酒沽賣一

等作杖罪科斷實錢三百貫仍作本州縣界與舊法牒牒今欲依舊法從之 二十六年二月三日 上諭宰臣曰近知榮州賣麴酒川中隔槽酒甚擾民戶當時是張浚趙鼎以軍興窘於財用行此以濟一時之急今休兵既久內外無事自合更革魏良弼言已令戶部鍾世明看詳上曰須是行下本路漕臣相度措置方得曲盡利害 二十七年五月八日 起領四川財賦軍馬錢糧所澄川府路轉運司奏準詔四川隔置隔槽酒務有敗壞去處改作監官以便戶槽今相度見依人戶自備本柄起大軍轉折估若行改置官監合用年計本錢不少無可應別於贍軍課額轉吏虧欠既是槽戶認定月額其監官別無職任累據諸處槽戶陳狀皆願廢罷監官抱認課額尋下諸州相度及諸處漕戶陳狀合廢罷及裁減共三十三處計減監官三十五員委是經久利便從之 二十七年七月十五日 權戶部侍郎林覺言無檢所共十一庫每庫除監官外又置掌官管物使臣各一員并通近攬司手等所費請給不少本所又別置掌端差遣使臣三員每年員除本身請受外逐員別破添給等錢各三十六貫緣逐官別無重難贍事委是虛費領祿乞存而逐庫掌官物使臣外所有無檢所使臣三員並罷從之 二十八年五月七日 臣寮言請乞罷諸路州縣官監酒務

止賣萬戶酒上曰此事必是難行若可改作豈至今日因論及諸處坊場
本籍名課所入以佐國用前此惟令百姓買撲餘皆不許似非通法往往
緣此失陷不少宰臣沈誨等奏曰近已將敗闕場務不以有無拘礙許人
承買雖微損其額却無停閑去處日後漸增所得反多上極然之 七月
十一日上宣諭宰臣曰監酒多差小官朕頃在河朔蓋嘗日擊其弊自初
羅米造趙殿固已減免比至沽賣往往多量勝合應副人情以至課額虧
損陷於罪戾皆此徒自取之也宰臣沈誨等奏曰誠如聖訓其間不無此
等然自有法禁 二十九年二月十一日四川總領所夔州路轉運司言
乞廢罷官監場務改為坊場合省罷監官三十一員各是積年敗壞及槽
戶先行抱認去處其餘隔槽酒務槽戶不願罷罷乞依舊存而亦未敢盡
行改革候將來見得槽戶安足利便即續依此措置至是可其請 紹興
二十九年四月二十六日詔鎮江府駐劄御前諸軍所管酒庫令界滿日
更立一界從都統制劉甯疏也 六月十六日兩浙路計度轉運副使趙
子滿言得旨根治華亭縣科數煮酒者今根究到本縣酒務所造煮酒除
堪好醇厚酒諸色拍戶等除買少欠價錢八萬餘貫合行進納公吏外納
黃酒科數人戶等少欠價錢六千五百余貫詔科數人戶等酒錢特與除

改 閏六月二十一日利州西路安撫使判興州吳璘言欲乞將興州長
舉驛魚關酒場依舊令本司抱認每月除課利合納淨外錢將餘剩息錢
補都統司管攝將兵支用從之 二十六日詔今後諸酒庫監官任滿或
成資或替新官任到並委本所屬官一員同新舊官監文如有少欠錢物
自裁日終令所委官具納實數目及納錢庫分有無拖欠未納之數取索
朱鈔照磨以憑批上印紙仍具少欠物申取朝廷指揮責罰如官到新任
之之後起發本庫官錢了足依格推賞外若能補到萬官少欠錢每二前
實與欠一年磨勘仍應累賞如不及數更不推賞仍會同所屬庫分委是
實納年月別無差互取索朱鈔照應繳關司煎審覆方許給據從戶部點
檢激賞所請也 七月二十日詔戶部點檢激賞酒庫所南外庫見
起額錢十七萬貫東外庫一十四萬六千貫減作一十五萬貫減作一
十四萬貫為額以展減移寨界分窄缺故也 三十年正月三日戶部侍
郎邵大受專一照檢措置諸軍酒庫先是委左右司專一照檢緣起辦不
敷故有是命 二十五日詔應檢點軍激賞酒庫所增置新中酒庫一所
監官從本所不以有無物礙遲差務滿利無遺閑便與推賞俟至來年
額見得連年額數增虧賞罰仍與創累賞如係諸庫見任官內及差有許

通理前月日賞典如能用心措置早見就緒亦從本所保明申奏朝廷任
優異推賞從之 七月六日戶部言本部長載歲舉糧下還人改官五員

近以贍軍激賞酒庫隸屬戶部將戶部見存舉貢數內撥一員舉酒庫官
專委官照驗措置切錄戶部所轄去處選人員多望將上件一員依舊却
歸戶部長載存舉本部轄下官從之 八月七日臣察言酒庫之設正為
贍軍今權豪恃勢競為私酤開創酒庫肆布在諸處所知者如都亭驛相
對如教坊相對如內錢西衙之南如八盤嶺之南如七寶山如西溪方井
帶七處間以打贍軍酒牌為名人多用巨舟自瀋到五本樂社等坊場載
酒以來散在內外酤賣造起用麥動以數萬斛計所用糯米並於浙西產
州軍充便錢物節次收羅載來先貯於東倉側近俟夏軍人月糧令坐倉
額所請米却敏運以歸糯米又轉運司臨安府及諸貴顯之家坐船兵兵
稍等人類皆循習私酤望委清驛官逐一休索重作施行如敏載他鄉酒
及米麦等亦立賞許人告詔令戶部臨安府措置仍出榜限五日止絕如
限滿依前違戾仰戶部臨安府差人收捉具姓名中尚書省取旨重作施
行 二十三日詔照檢所不時較定將增額最增厘分監官并通等量行
倘設每歲不得過三次若監官任滿有增無虧許再任一次如已差下者

人即許差填別庫名聞武苑慢不職欺隱官物有新課額別行差人抵償
以戶部侍郎錢瑞禮之清也 十二月七日總領淮西江東軍馬錢糧所

都察院言建康府戶部贍軍四酒庫昨承降指揮差屬一貢兼行幹辦後因
因申明戒罷運致諸軍人無給束致所錢日益虧少照對本所舊令收息

見在屬官一官兼主管上件職事正是給茶湯錢十五千及取手分一月
名每月請給錢二十三貫有零所省官吏請給不多今乞依舊許於見任

屬官內選差一貢兼管所有茶酒食錢乞依元降指揮外其手分食錢只
乞依舊管屬官條例支給從之 二十九日詔戶部行下委提刑司檢察

諸州將公庫違法置店賣酒日下改正住罷其諸州巧作名目別置酒庫
謂如軍糧酒庫月格酒庫之類并省務寄造酒及帥司教養酒防江酒庫

庫應未分隸總制錢去處並日下額五分隸補越虧欠元額之數及今今
漕司逐月守俸竭力從長措置省務立定酒價及加稅的實所聞數目備

本備環固缺補起自紹興三十年為始酒管從實拘收限次季五月二十
五日以前差官管押離岸盡絕不得于帳內存而見在却稱見行起發故

作情要務要歲終數起足額如日後尚敢循習違戾致依前虧太州縣委
提刑劾按如憲司依前不行覺察許本部按劾以戶部侍郎邵大受等言

內外歲計額經總制案名至多今稽考諸路一歲虧欠二百餘萬緒皆緣
諸州公使庫廣行造酒置店酤賣反巧作名目別置酒庫或于省務署造
至不分隸他庫首司課利致諸路酒務例皆敗壞虧失國計故也

酒麴雜錄下

紹興三年

一年正月六日權戶部侍郎趙子滴錢端礼言財用之源實出酒稅比年
以東州縣酒務盡皆敗壞權酤之利徒存虛名守令間有曲心於其間者
或委官以察其便欺或併務以省其浮費措置百方終未見利欲乞令諸
路漕司與守臣從長商權庶幾可以責其必辦所有逐州相度到事理仰
漕司限兩月條其中朝廷今具下項一諸路州縣酒路不等一有石木至
收二十余千立價既高酒味淡薄是致私酤轉盛官賣日虧乞州責之郡
守縣鎮責之縣令別立省則或稍損酒價多造佳酒廣行沽賣務及祖額
分撥諸司經總置等名色起發一諸路州縣豪猾酤造私酒侵奪官課巡
捕初官因習以為常不能禁絕今欲委守令相度何道可以禁賊或別有可
以改更措置利害開具申請一諸路州軍有因併務課利增課或因并務
却致酤賣不行蓋緣所在風土不同欲令從長相度務在增課一在法諸
州縣酒務別差強壯廂軍充雜役三萬貫以上二十八人以下十五人已
產夫之費及依條補足將一監官重難錢自合依數支給從之 二十八

日樞戶部侍郎專一照檢措置贖軍激賞酒庫錢端礼言新中酒庫自去年二月十四日開賭及一年未曾立定歲額令參酌欲每歲以二十萬貫充為額其監官任滿增虧賞罰並依舊酒庫條例施行從之 二月十七日崇信軍節度使開府儀同三司領殿前都指揮使嚴希範言殿前司諸軍酒防共六十六處五破官兵數多妨廢教閱欲墮行下戶部委所屬州縣措置令上戶承認開沽其逐坊見錢官錢拘收歸軍充還見管本錢外所有現在逐坊煮酒米麵屠宰法物等乞令戶部委州縣交管免致侵漁之弊從之 十九日少師寧遠軍節度使饒秉觀使恭國公楊存中言臣有本家買撲酒防九處二處安府監官負防并子防二處硤石鎮防四處石門早林坊并子防二處一湖州千金防并子防四處新市鎮坊并子防一處烏壘鎮坊上伯防一秀州魏塘坊風漚坊謹具進納望令所屬交割諸令戶部拘收 四月二十九日戶部言據兩浙轉運副司王時升等言殿前司獻納兩浙路買撲酒防承指揮就用元差使臣主管依舊開沽從本司檢察乞將所起贖錢以十分為率七分起赴行在三分應到漕計支用本部契勘殿前司酒防并楊存中獻納內上伯硤石兩坊共六十五處報到一歲所收錢內周材較篇兩坊未經收錢外其餘六十三處除

納名課等支用外實有淨息錢四十余萬貫起赴左藏庫納送今照得行
在每歲合用馬草結與三十一年計三百六十萬束每束支降本錢一百
文者計錢三十六萬貫年例係用權貸務印是見錢關子一十五萬貫外
余錢本部科降合法案名錢令兩浙轉運司于浙西州軍收買所有今年
分合用本錢並未嘗申明科降本部今度相乞將前項酒坊並撥赴兩浙
轉運司依已降指揮檢察措置開沽將收到息錢專充收買歲計馬草本
錢支用餘錢充漕計却將今來減下逐年合降買草本錢應別收糴馬料
已後年分亦乞依此從之 三月八日楊存中又言臣先將本家買撲湖
秀州臨安府界酒坊九處并發酒子坊一十三處進納御前令戶部交割
所有逐坊見在酒麴餅柴法物器具什物屋宇照元價折錢七十二萬餘
千余貫望下戶部行下逐坊交割從之 十九日知紹興府宋某言准詔
諸暨楓橋兩坊今紹興府承買開沽際認納名課等錢外將收到息錢逐
坊各每年認發戶部息錢肆萬貫分四季起發今來本府巡起辦戶部工
項息錢不敷官吏空負罪責更不設再行申乞減退息錢承買乞將逐坊
改充戶部贖軍後批送戶部勘當勘尚書省本部勘合榜內中獻納酒坊
內監官等坊已承指揮改作贖軍教賞酒庫差官措置開沽將收到息

錢起赴左藏庫送納應到大軍勝食等夫用欲依宋槩所乞理事將逐坊
依監安府監官縣七處酒庫依例改作贖軍激賞酒庫所有合差監官一
并合于人及存面舊官應所行事件並乞依監官縣酒庫等依例從之
十月二十九日戶部侍郎劉奉等言楊存中并趙密獻納兩浙酒坊七十
四處本部酌監官等九處並及激贖軍激賞酒庫墨官措置開沽歲收息
錢四十余萬貫應到大軍互用其餘六十五坊係委兩浙轉運司檢察措
置開沽今無得數內湖州德清武康上伯和平秀州新城永樂嘉興平江
府平望程林支塘常州酒幫樂社等坊白米人煙繁盛係是三萬以上以
場務實有未賣煮酒二十餘萬斛欲將德清等一十一坊作八庫並依監
官等九坊依例改作贖軍激賞酒庫從本部選差監官前去措置開沽從
之紹興三十二年六月十日奉旨如所乞及元戶部監官等九酒庫依例
已降指揮拘收措置及作贖軍激賞酒庫若置官吏開沽正定額錢收課
息錢七數實罰無得行在酒庫無檢官催諸庫賣酒收息每及二十萬貫
減一年磨勘計日累實所是本部官亦依上件依例推賞每歲減磨勘通
不得過四年從之七月二十三日戶部言殿前司元獻酒坊既撥歸戶
部外有五十二處一歲計收息錢二十餘萬貫見條轉運司檢察其兩浙

轉運司官乞依熙檢所并已降指揮每收息錢及二十萬貫減一年磨勘
計日累實每歲減磨勘通不得過四年從之 八月四日四川撫安制置
使司言永康軍青城縣管下陶壩鎮見管酒官一員以一小鎮課額微細
却置酒稅兩監官委是冗員今相度欲省併酒官一員就委稅官兼管從
之 九月二十七日知監安府魚權戶部侍郎趙子滿言殿前司獻酒坊
其十七庫已降指揮今本部差官管幹其五十二處並撥隸兩浙轉運司
檢察內二十四坊元差軍中使臣二十四人管幹其餘逐坊乞專委兩浙
漕臣同諸州守倅責逐縣知佐召募土豪人戶開沽量坊大小官備本認
定息錢從戶部將增息錢與比類款錢米格法擬補官資以後逐年添
陞轉仍從本部辟差諸曉酒利文政官各一員專一往來提轄配賣務
課利增廣其逐官請給人從酬賞並依熙檢酒庫所主管官例詔三省
差官二員專一指置管認戶部兩浙運司元額赴解外如有增羨申朝廷
建優與推恩仍令吏部郎官楊侯措置兩浙西路兵馬都監梁俊孝同措
置其諸庫監官所餘量中尚書省改易其後楊侯等措置乞以措置兩浙
獨管酒庫所為名仍鑄印一課所管諸坊三十二處並取負產費康福
乞將三萬貫以上課額差監官二員不及處止差一員其諸坊稱呼並以

某州縣抽賞酒庫為名內額少處更不差官止令比近監官管如收息增
制即從本所月增食錢三萬貫以上三十貫二萬貫以上二十五貫一萬
貫以上二十貫一萬貫以下十五貫至於五釐等錢內支今減食關以三
貫例取前司舊制各分管提轄諸庫其合分祿五釐等錢乞於行在擇係
官屋宇置庫一所以本所錢庫為名仍差使臣充監官及檢察除一萬貫
以上場務收息賞罰依紹興十二年已得旨外一萬貫以下四諸坊未數
有立定賞罰今比擬收赴應課任滿及額減半年磨勘占射差違一次比
額每增一分以上與減三個月磨勘亦許累賞若此額每虧及一分展三
個月磨勘如內增剩多處任滿從本所保明再任每歲比較以額外所增
息錢十分為率支一分充監官合于人均賞所有移体式及舉官等事
並乞依熙寧所已獲之旨從之其措置官賞格依熙寧檢賭軍激賞酒庫官
例十一月四日詔浙東兩獨賞酒庫令楊侯梁復序疾速前去措置候
有成致撥歸戶部及兩浙轉運司十九日詔楊存中所獻酒坊贖足錢
四十余萬貫並與蠲免從嚴中傳御史張震請也

孝宗隆興元年十月十七日詔太平州黃池酒坊名課錢依紹興酒坊令
本州買撲從知太平州林綱之請也二十三日詔糯米糴場依舊開置

先是御筆付戶部尚書韓仲通四開近罷糴場分遣庫官於諸州糴米殊非良法將來歲課不足當如之何可具實利害奏來至是仲通乞依舊存由未幾侍御史周樸後言置場日久弊端百出方罷後置未知今作如何措置尋詔仲通限三日措置以聞至是仲通言自今不許賒糴糯米其主管官任內合得酬費去替一年內未許陳乞候至任滿見得拘催備錢數足方得陳乞推賣糴場專知官歲久為弊今後以二年為一界承替糴場舊令賣米牙人充斛子今欲於下卸司選兵士斛子五名每半年一替其商賈糯米到場有作弊者以下等米支請上價欲委監官躬親定驗米色價數常切覺察從之 二年七月十三日若正言是公武言私酒及私麴之禁蓋有成法未聞有糯米之禁其罰至於毀折舍屋者皆因王會知湖州日創行之至今州縣以為例欲望行下諸路監司嚴加禁戒若州縣敢有禁糴糯米及毀折犯人舍屋必罰無赦從之 八月十三日詔措置所發糴官吏並罷其錢庫監官大使目一員令沈度等詳差先是考功郎中熙養措置諸軍犒賞酒庫沈度等言措置所發廳見有官二員內一員幹辦公事已是合減罷存留終任之人又一員主管文字不係減罷緣發廳別無緊切行文字止是諸庫納錢及支錢關決經由而發廳一司人吏凡

十餘人平時誅求諸庫幾不聊生或於支借錢本之際動輒播擾減耗其
幹辦官又兼措置糶場月利添給而利害曾不經意沈等以即官無檢難
為引用從官例置例自不合置茶廳所有錢庫掌官收支只乞差置大使
臣一員以監錢庫為名置庫于撥司貼司各一名庶幾省費故有是命九
月八日詔浙東酒庫自二萬貫以上庫分並依行在體制置守知官一名
並以二年為界所有二萬貫以下庫分更不差置止令監官管轄起緝課
息仍將見置掌管錢物官日下並罷先是考功郎中熊檢措置浙東鴉片
酒庫沈度等言浙東諸酒庫見置掌管錢物官七員浙西三十一員止是
勘司收支繁押簿歷既不理任亦不批書故有課利虧欠官物銷折並不
干預顯是虛設冗員徒有費耗故有是命 十月十一日權發遣臨安府
黃仁榮言今歲水傷糯米踏潰已將贖軍諸庫及省司酒務於見賣清酒
每斛權減作三十八斤一等打發酤賣認減作三十四斤 十二月十六
日德音獎除張應光州野昭光化軍管內并陽成和州襄陽德安府信陽
高郵軍州縣官印請給等全賴當職官措置酒稅利源補助經費如或不
足亦當中所屬監司斟酌通融那移不得因緣科歛百姓如違許人戶越
訴當職官吏重寘典憲 乾道元年正月七日詔德壽宮供進御酒令本

官置庫醞造令兩浙轉運司每歲支供糯米五十石 二月二十日四川
總領所夔州路轉運司言今相度廢罷忠州豐都縣酒稅官乞令知縣兼
監所減監官請受並興槽戶減元虞使優潤從之 三月十六日監行在
贍軍激賞新中酒庫應村言乞將正庫改為新中南庫子庫改為新中北
庫每庫添監官一員從之 五月十六日司農少卿兼措置浙東福賞酒
庫陳良弼乞將管下酒庫十四處監官十九員棄厥不從朝廷差注其存
留使臣有界內賒欠合拘收乞更留二年成資並監官縣庫長安子坊及
諸堡縣庫桑溪子坊兩處係要關結賣沽欲各置監官一員其他諸庫
子坊更不差官今所隸酒庫召本處土著有抵產人戶充募作管幹人每
月賣酒錢一千五百貫以上月給食錢十五貫文省一千二百貫以上月
給十貫文省不及一千貫月給七貫文省依舊於本庫收到五釐雜稅錢
內支給從之 十八日詔諸酒庫除本任司候案名錢利補納前官拖欠
每及五千貫令本所驗寔於所收寬剩錢內給五釐充賞謂如五千貫及
二百五十貫之類監官三釐專匠等二釐以權刑部侍郎兼權點檢贍軍
激賞酒庫王勿言贍軍激賞十五酒庫每歲認發銷錢共一百八十四萬
餘貫起額不敷若不量行增賞慮激勸不行故有是命 七月三日詔浙

東西措置揭賞酒庫共六十四庫撥付三衙分認課額今運司族連差人交割令戶部依此以十分為率撥前司四分馬步軍司各三分其息錢每歲分上下限赴左藏南庫輸送餘息充運軍贍軍及造軍器等 十三日司農少卿兼點檢措置揭賞酒庫陳良弼言湖州長興縣有管和平瓶窖一所今來和平酒庫已撥付殿前司所有上件瓶窖乞從朝廷一統撥付殿前司交管依元額認發息錢從之 二年三月十六日戶部侍郎曾懷言行在贍軍激賞十五酒庫全藉監官悉心措置近來多有飛慢不賤課額虧欠乞許本所申奏與換投獻廟徒臣差擇不以寄居待闕文武官故舊及依已得旨先次權攝一收李侯果可倚正行辟差從之 四月九日詔廢罷開州溫湯并隔槽酒務監官就令監鹽井官同清水知縣兼監正令槽戶兼收仍督責槽戶湏究心赴办務要增羨 五月二十五日詔臨安府安撫司酒庫悉歸贍軍并將贍軍諸庫共併為七庫臨安府及安撫司酒務令戶部取三年所赴息錢以一年酌中之數立為定額却于贍軍庫息錢撥還以戶部侍郎兼點檢贍軍激賞酒庫曾懷言行在贍軍諸酒庫比年以來虧欠日積自紹興三十年前總諸軍所欠已數百萬貫三十年後歲日終所欠二百餘萬貫緣酒庫相繼增添見今已十五所又廟子

十一所並臨安府安撫司酒庫六所共三十二所互相撓奪緣此利入之源盡歸柏戶以致失陷官錢故有是命 同日尚書戶部侍郎兼提點贍

軍激賞酒庫曾懷言近省併諸酒庫並減監官正欲鈴束諸處及點磨簿帳事体繁重乞復置簽廳主管文字一員幹辦公事一員從之 六月二

十日兩浙轉運司言婺州蘭溪酒坊年納常平名課等錢一萬四千餘貫及辦戶部息錢二萬貫近來本坊沽賣遲細名課息錢精塵拖欠據本坊

申稱有接界新建張省二坊敗闕無人承買乞依條把買從之 七月三日詔贍軍酒庫以隆興元年分淨息錢為額臨安府安撫司六務以隆興

二年分淨息錢為額 十九日詔應諸路人戶買撲酒坊不問已未敗闕盡許持依紹興二十七年之制除見欠官錢并在役軍吏外不以有無拘

礙並許以見管已產抵常承買先是臣寮言天下坊場敗闕者甚多暗失財賦不可勝紀嘗究其弊蓋買撲坊場抵當用本動以萬計非豪石之界

不能办而豪右往往多有官蔭及得解進士依條不許買撲引用紹興二十七年九月指揮故有是命 二十二日知襄陽府陳天麟言乞以新置

激賞酒庫依荆南都統司并湖北京西轉運司添置酒庫例充分隸經總制錢從之 十月九日詔將諸州軍外坊紹興三十一年至隆興元年拖

欠酒錢並放以後年分依元立期限催納從戶部侍郎曹傑請也 十一
月三日三省言温州諸路將酒坊起額不及課利違法科敷民戶其提舉
官並不禁止詔令提舉官宋藻具析申尚書省疾速禁止如更有科擾之
虞做此 二十七日戶部侍郎兼點檢軍器庫酒庫曹傑言行在贍軍
酒庫併作七庫地里闊遠年計浩瀚欲望各添辟監官一員從之 十二
月十二日臣僚言贛州并福建路廣南等處以煙瘴之地許民間自造服
藥酒以禦煙瘴謂之萬戶酒小民無力製造惟沽之利盡歸豪戶乞將應
造酒之界將所造之酒經官稅畢然後出賣乃將稅錢梅發行在戶部看
詳連州軍風俗不同又事干財計乞下江南西福建廣南東西路轉運司
從長相度從之 十六日詔建康府筴橋酒庫并見管錢物未題點清銀
器什物及脚店等並依舊撥還蕭鵬已軍差人前去交割管幹開結水息
錢充激賞等支用 四年五月七日左司諫陳良祐乞行萬戶酒即將坊
場於畝頭均納以其言付戶部侍郎曹傑商度既而上以為難行寢其奏
蔣希奏目前利害未甚見永遠却為百姓之害且臣每聞玉音云他時財
賦稍從容當為百姓蠲減非泛科須折帛之類今以坊場錢均之畝頭自
陛下始只利造酒大姓而非細民之利也上語曰誠如此陳俊卿曰今州

縣魏在急於財賦捕私酒甚嚴至於無酒而遭執者小民無所伸訴或至
破家但當嚴於禁戢此弊也上曰此全在守令王炎曰守令若賢雖禁法
亦不為民害如其不然雖良法美意反害於民也上曰誠如是作法於涼
其弊猶貪作法於貪要將若何後卿曰願付有司條約捉私酒之弊不
至濫及平民則雖不变法可也九月詔四川酒務十萬貫以上場務酒
官任滿與減四年磨勘謂如在任三年依前赴任共及三十萬貫以上
之類下準此五萬貫以上場務任滿與減三年磨勘三萬貫以上場務任
滿與減二年磨勘更與占射差遣一次不滿三萬貫場務任滿減二年磨
勘以上選人比類施行並以三年為任若滿三年即推全賞成資替者減
三分之一推賞兼監官知縣並本州知通比正監官減半賞罰其已廢罷
官監將酒務專委知縣拘催官錢去處任滿催發應干錢足依正監官減
半推賞如管兩務以上即併遞務酒額錢作一等推賞諸州傍郭知縣更
有在州酒務不係罷監官去處其所得兼監官減半推賞兩應得者從一
高等推賞從四川總領查奏請也十月十八日詔淮東州軍有敗關停
開酒坊出榜限一月呂人酬價不以及與不及元額但折封日取酬價最
高人給付權以一年為界每界增錢一分接續開沽仍令勒隣坊抱認名

課從本路提舉司請也 十一月十日詔婺州蘭溪酒坊所認淨利錢二萬貫量減三千貫自乾道四年為始從兩浙漕臣沈度之請也 五年三月六日提舉江南東路常平茶鹽公事翟緩言饒信兩州諸縣多配私酒擅於鄉村置立拍戶抑勒鄉人沽買錢每月月三二百文騷擾人民撓奪常平坊場課利詔即日盡罷計監司察覺 四月二十六日權王管殿前司公事王遠言本司管浙東西酒庫二十四所窺密一所元係戶部措置所撥付本司今乞將上件庫仍舊還戶部開沽及將諸軍見占本司官錢五十一萬貫並獻納朝廷乞行下所屬拘收措置從之 五月八日總領四川財政軍馬錢糧所言利州係本所置司去處其在城清酒務措置牧息贖軍乞以四川總領所贖軍酒庫為名從之 二十八日詔鎮江府都酒務監司二員內減罷一員日後止差一員其見任人且合依舊已差下人依省罷法先是鎮江府言本府都酒務每年合赴額錢三萬六千餘貫本務監官保議即張師文右文林郎葉松年到任已及一年止赴得錢六千餘貫比額計虧二萬餘貫及拖欠本府并經總制官錢四千餘貫難以差破雙員官當故有是命 十二月十二日詔步軍司元極諸壘等二十二酒庫依殿前司例依舊撥歸戶部開沽 六年二月十三日戶部

侍郎楊侯言被旨提領殿前步軍司攝管酒庫乞以提領戶部攝管酒庫
所為名就用措置兩浙路攝管酒庫所印諸庫係在兩浙州縣管下所有
理索賒欠禁載私酒本所行移取會全籍州縣官公共協力如有減製違
展從本所將人吏斟量事體輕重送大理寺追治從之 三月二十二日
詔復置涪州在城隔槽酒務監官一員從四川總領程沂請也 二十四
日上封者言近來坊場以拖欠停閉為名欺陷最多望下有司痛革弊端
請如坊場有拖欠課撲去處使令停閉召人承買其已停閉去處如州郡
見行差置閑沽即合以息錢十分為率以一半起充上供如見今空閑即
乞為萬戶酒均輸課撲從便沽賣從之 四月三日明州定海縣駐劄御
前水軍統制馮湛言乞於江陰軍置酒庫一所應副統領諸將佐等供給
并軍需百色支遣從之既而江陰軍言見額不敷今既添置乞減半赴難
詔既聽允馮湛復請移置許浦又從之仍批許浦酒額 五月十二日詔
點檢膳軍激賞酒庫所主管幹辦官依元降指揮任滿與轉一官如任內
替移許計日推賞見任人依此從本所照檢官曾懷請也 十四日兩浙
轉運司言婺州蘭溪買撲酒坊名課息錢浩大赴办不及詔兩浙轉運司
正辟監官二員別措置閑沽日後所認息錢依限發納日前拖欠息錢分

限起發 閏五月四日提領戶部揭賞酒庫所言拘收殿步司所管兩浙

員從之庫乞將二萬貫以上課額庫分差監官二員二萬貫以下止差一

員從之 十三日戶部侍郎提領戶部揭賞酒庫業顯言元差總轄官三

員訪聞如遇差出百端接援兼都錢庫監官一員乞就令點檢所都錢庫

監官兼管運官省罷從之 六月十六日詔楚州益城縣南酒庫依舊撥

付本縣買撲措置從知楚州陳敏請也 八月二十八日詔將楚州益城

縣管下埧門酒坊令淮南轉運司依見今立定一界淨課利錢數置撲措

置沽費以淮南轉運判官俞召虎言本司於淮東總領所認息買撲到益

城南酒庫一所自行措置開沽近朝廷從楚州陳敏之請撥付益城縣買

撲致使本司有失歲計故有是命 同日詔楚州故晉東西店并謝陽店

酒坊增錢令楚州買撲起息應辦武鋒軍激犒支遣從知楚州陳敏之請

也 九月十六日太府少卿兼點檢驍軍激賞酒庫查舊言本所驍軍諸

酒庫每歲起息浩濫乞權復幹辦公事一員任滿仍不差替人從之 十

一月九日詔建康府添置行宮酒庫一所將叔起息錢令留守司椿管貼

助移七軍馬支遣驍候御前支用 七年正月九日詔馬軍司元撥德清

等一十八酒庫依殿前步軍司例歸戶部差官幹當每年應副馬軍司錢

八萬貫充犒賞使用既而主管馬軍司公事李顯宗言欲於見管十八酒庫內存留德清練祁練塘莫城四庫共計額息錢七萬五千八百七十二貫一百五十四文就差見管人措置起辦息錢應副犒賞使用從之二月二十八日詔戶部將監官烏鄂兩酒務撥付殿前司其已撥和平當湖并烏盆石浦張浦五處酒庫却行拘收從提領官姚憲請也三月十日淮東提舉司言真楚州高郵軍屬縣收關停閉酒坊二十七處內真州一處高郵軍七處本司措置下邳州軍主管官遵依乾道四年十月所獲旨出榜召人開沽楚州收關停閉酒坊十九處緣自建炎間兵火殘破累榜無人承買及無業籍見得元赴課額乞今本州主管官斟量繁慢立定名額出榜限一月召人着價承買從之先是淮東提舉司具到收關停閉酒坊二十七處今本司措置至于措置未上故有是命三十日知成都府張震言四川州郡酒庫無一不敗壞在法雖有酒賞類皆不可及格亦無有能應之者如此偽溫則莫若少加裁損以課之高下減舉主及減年詔依乾道四年九月四川總領查審所陳賞格施行五月二十八日詔建康府都統制李舜舉將廬州本司所置軍庫及應干什物酒麴錢米等並令本司拘收以淮南轉運判官權知廬州趙善俊言本州兩庫為重建康

都統司軍庫合千人以威力提拿拍戶莫敢誰何郡計日虧因請移軍庫
於建康故有是命 十二月二十九日戶部自外郎總領淮西江東軍馬
錢糧周閔言淮西總領所四庫酒建康府安撫司五庫都統司十八庫馬
軍司一庫添置行宮一庫共二十九庫有失經理乞撥併歸一以三年最
高分為額行宮新餉一庫本柄優厚乞將收到息錢除分撥認定諸處錢
及磨費外以淨息錢三分為率一分赴御前酒庫詔措置撥併仍先具諸
軍三年所收息錢數目以聞其後周閔又言撥併建康府戶部贍軍酒庫所為名
並依行在贍軍酒庫所已獲初旨以提領建康府戶部贍軍酒庫所為名
印記乞鑄造降下諸司二十九酒庫其間軍庫太半今既撥歸欲改庫名
行宮庫改等遠庫左軍西庫改崇武庫左軍東庫改制勝庫中軍北庫改
酬魚庫後軍南庫改宣威庫後軍北庫改定遠庫前庫南庫改和豐庫前
軍西庫改石城庫右軍南庫改振武庫右軍北庫改平遠庫中軍南庫改
和樂庫進奏庫改月堂庫水軍南庫改豐裕庫水軍西庫改龍灣庫水軍
造酒庫改江寧庫嘉會樓改嘉會庫旗望庫改欣樂庫東門庫改鍾山庫
昇樂庫改宴喜庫馬軍司庫改賞功庫都酒庫改清溪庫比較務改金陵
庫滋授庫改熙春庫防江庫改經武庫安撫司府西庫改靖安庫東庫改

鎮淮庫西庫改鳳臺庫南庫改秦淮庫北庫改和旨庫從之 八月四月
二十一日詔兩浙場酒庫監官料前衣賜令所在州軍依條勸給衣賜
依行在激賞酒庫本例從戶部侍郎提領場酒庫沈夏請也 七月之三
日詔水軍統制馮湛于平江府常熟縣創置酒庫罷之先是常熟知縣王
宗已言馮湛於本縣置庫大侵省額上曰若馮湛於縣中置庫定有相妨
可與免版帳錢七千八百餘貫放也 八日知常德府劉邦翰言湖北去
朝廷為甚遠貧民下戶困于買撲酒防寄造趨引至貧者不捐萬錢于寄
造之家則不能舉一山之禮乞將湖右買撲酒坊課額令民間隨產業
錢均納其釀造酤酒責悉聽民便以其言下詳定一司初今所以謂坊場
造酒騷擾抑勒從來有約束若將酒務課額均分民間即是兩稅之外別
生一稅他日恐有漁利之人妄生計畫沽權乃舊此稅不除反為民害乃
檢坐乾道重修勅令禁止仰買酒趨條格申嚴下諸路州軍從之 八月
三日權戶部尚書楊傑言國家歲入唯仰酒務近年以來州縣所得收錢
數並不盡定分課却別置私歷或巧作名色支使或作本州給本柄寄造
以分數所撥以資妄用是致虧損課額其場務監官洎至任滿推賞往往
將不分課案名虛格入數通理妄作增羨乞下諸路轉運司今後保明酒

稅監官任滿推賞酒取索照磨所收錢數開說分隸各色案名發納去處
點對朱鈔錄白獲鈔月日見得確實方得保明有違戾去處當職官吏其
名取旨照舊仍委漕憲官常切覺察檢舉從之 十月九日戶部言欲下
諸路特運司行所部州軍目今起解場務課息朱鈔內酒管開具若干條
某場務某監官在任所收錢數發納赴某處餘場務依此供申理在任
增剋酬賞從本部參照行遣從之 十日新除龍圖閣直學士知荆南府
葉衡言前此制置司元有犒賞酒庫一所及營運回易以助軍須今已廢
羅致乞依前將犒賞酒庫撥歸荆南安撫司及仍舊措置回易起息充犒
賞支用從之 十一月十三日戶部員外郎汪西總領單慶言建康諸司
酒庫因前任總領周闕建議併歸本所令將一年起息不多蓋未能盡革
滲漏之弊今欲輒較近及遠於東西南北選擇五庫專一造酒其餘二十
二庫並於造酒庫打發分散拍戶并門堂沽賣諸軍酒庫舊係十七所其
監官撥庫夫力並諸軍舊差人數于內擇有心力不堪披帶人特令揀依
驍軍在庫在庫其身分券食錢並依見任官序以息錢內支破餘人發歸
元來軍分收官行官新酒庫昨來指揮以淨息錢三分為率一分赴御前
交納今欲候歲終所收息錢除一分解赴御前外餘二分且留本所循環

作本使用餘依用閣昨已獲旨從之 十二月二十八日詔諸路提舉常
平司嚴督所部州縣管下應收閣停開系經體成分數未有人承買酒坊
處從提舉官將職官吏按治施行以戶部尚書楊侯言諸路州軍一合發
坊場淨利錢近年多稱收閣停開乞行理豁且人戶買撲酒坊若有收閣
依條體減分數召人承買蓋州縣人吏希望請買之家求囑不為依條制
召人承買是致一向收閣停開日久暗失財計故有是命 九年閏正月
二十二日沿海制置使司言本司水軍中元撥到鳴鶴酒坊一所見今開
沽緣本軍移屯定海縣又輒於本處添置庫一所以致侵奪本縣省務課
利乞將明州定海縣酒坊付本庫承抱一就開沽從之 三月二十五日
兩浙運副胡堅常言州縣管下酒務民間凡有吉凶二事約束商界先次
申報不問貧富須管沽打纔不沽酒即使違擾致有匿長不敢舉長者歛
乞下諸路監司嚴行覈察如有違犯按劾施行從之 四月二十四日詔
兩浙橋賣酒庫見赴課息從無檢所各于本州選委通判一員專一措置
拘催起發歲終將催到錢比較增虧依經制錢格法賞罰也以戶部郎蔡
洗言兩浙橋賣酒庫歲赴課息浩輸緣諸庫坐落縣鎮鄉村往往人戶除
買不還價錢及形勢之家造賣私酒撓奪官課是致諸庫各有拖欠故有

是命 十二月二十九日詔揭實酒庫已辟正官監任滿日如起探息
增羨即存留再任從太府少卿提領揭實酒庫傳士律請也 同日詔鄧
州合周市酒稅務移往石限置場造酒差指使監轄赴辦淨利依數送納
從涿州零陵縣丞歐陽汝從請也

買撲坊場 高宗建炎元年五月一日敕應經知所在坊場住報月日淨
課利錢特與約計除數又近年以來州縣用度窘迫至有前期探借坊場
課利等錢顯是違法自今須管依條限催納不得預借崇寧以來因買撲
坊場河度及折欠官物沒納田產未有人承買者與減賣見價三分聽欠
戶兩月內收贖限滿不贖即依所減價出榜別召人承買仍作三年六科
輸納并增置坊務具歲入課利除給官吏等支費外所收物不多去處仰
轉運司依度並行廢罷 三年三月十四日兩浙轉運使王琮等言本路
利源唯酒務與買撲坊場課利錢所收最多緣自來涿州多稱闕之不肯
格發欲乞縣委丞簿州委通判每日得二分收到錢拘收格管類聚津發
赴左藏庫送納從之 紹興元年五月十三日新臨安府臨慶雜官史棋
孫吉州縣人戶買撲坊場歲入至厚近時賊馬蹂踐之餘十無八今臺
民欲買撲往往以有官礙格舊例多是百姓出名產家戶出財本相合自

宣和年朝旨並止與出名產之家而豪戶有官者不許相合買撲緣出產人率無財本自此敗闕者多乞依宣和五年以前舊例行之即諸處敗闕坊場即可興復戶部契勘欲將兩浙未賣坊場雖係進納補官之家本身見無官蔭權許依條承買候界滿無欠依法接續本其月見有官蔭概敢作隱並依法科罪仍令兩浙提刑司常切檢察無致廢候見次第其餘路分別具申請從之 二十七日兩浙提刑司言欲將諸州縣續被金人盜賊燒劫未賣坊場並依宣和四年四月九日經燒劫場務從經制使陳亨伯畫降指揮施行詔持並依宣和四年四月九日遞次已降指揮施行 六月二十九日戶部言據湖州通判求移治言買撲坊場戶合納正收淨利錢依條以一界分為一十二限自開沽日始每限輸三十日不納每貫納錢二十文今來所收增添淨利錢係均月送納若有出月不納去處未審合與不合加罰今相度欲乞將兩浙州縣鄉村場務所添淨利錢五分均月送納如每月踰十日不納每一貫加納錢七文即過月開沽合增錢數三十日為限出限者准此餘依見行條法從之 二年閏四月十六日知縣國軍王綢言本軍管下通山永興大冶縣所管買撲坊場暨因賊馬經劫之後無力開沽停閉日久無人承買今來江州已于元買淨

課錢內減定五分欲權依江州體制召人買撲逐月送納候及三年即依
本條施行戶部與勘欲乞依兩浙路已得指揮施行經劫之後復業之人
如無力別有力之家出本經官共狀合買其後來復業元同買人吏不許
陳乞出開沽仍令江西提刑司檢察即不得將雖曾經盜賊曉劫見今已
有人承買開沽處所下例減放施行詔依權減五分候及三年即依條
三年五月五日江南西路轉運司言 州縣通放萬戶造酒去處於建炎
四年內因從衛一行官兵在虔州日權置酒務沽賣係一時措沽青即不
立額今來所收課利不償監專作匠等人請給之費委是虛占官吏枉費
財用乞行住罷從之 六年正月二十二日殿中侍御史王縉言乞將預
借坊場錢先還一半不使事上曰既預借當悉還之朝廷號令貴于守信
而已倘或失信何以便民服從宜如縉所奏 十六年十月五日詳定一
司勅令所言條立到諸坊務數關界滿無人承買者州限五日申提舉司
本司與轉運司限五日同差官審度減淨利課利錢被差官起發日限准
此目到後限十五日畢諸坊務數關界滿人承買州應申提舉司及本司
與轉運司應差官審度減淨利課利錢違限者各杖一百被差官起發若
到後違限准此從之 十八年四月八日戶部言坊務數關界滿無人承

買者依紹聖法州中提舉司本司與轉運司同差官減課利淨利銀召人承買即累減及五分以上亦無人承買者當取官保明停開訖奏請承宣和元年二月指揮今後諸路人戶承買場務如因敗闕停開其淨利錢並依課利錢法相度並入隣店分認又紹興十年閏六月黃仁榮言敗闕坊場雖休減未及五分如停開已及一季並依經休減例將五分官錢令鄰佐酒坊分認抱納今據逐路常平司申若將停開場務才及一季止以五分名課數與隣左其餘一半官錢即便赦免不唯虧失名課兼恐坊場因此易為廢壞若依紹聖舊法委是經久利便從之 十九年七月十二日詔省洋州興道縣將水鎮酒務依舊令人戶買撲從四川總領并各本路諸司請也 二十一年四月六日詔諸軍買撲酒坊特許依舊已降不許諸軍買撲指揮更不施行 二十五年十二月九日詔諸軍買撲坊場並遵依常平法施行如有違戾去處仰提舉常平司檢舉改正 二十六年正月十四日詔諸軍買撲場務令常平司拘收依條施行如係城郭已開張酒店今戶部總領司拘收 二十七年五月十二日尚書省言諸路州縣人戶買撲酒坊名課之外又有增添淨利錢間有起辦不及者因此積欠以致敗闕切慮日久暗失財物今欲令常平司將見今休減及敗闕停開去

處其增添淨利錢並與減免仍依條召人承賃不以看價及與不及禮或
分數但拆封日取着價最高者給付其人戶坊本錢物與免作物力推排
從之 九月十七日戶部言諸州縣人戶買撲場務事上諭軍臣曰坊及
場名課朝廷所仰補助歲計近年以來停閑處多買撲人戶又多拘礙若
不以有無拘礙許實封投收承買庶幾接續不致敗闕宜令有司相度措
置軍臣沈該等奏曰恭依聖訓戶部言路諸州縣人戶買撲場務紹興初
間人戶逐界增價割買名課高重其間有越辦不及者往往積欠出納不
行以致敗闕雖條郡坊地畝及累行休戚牌賣目今停閑去處甚多若不
不隨宜措置誠恐日久積失財計今相度欲行下相度常平司出榜除見
欠官錢物見充吏人貼司並兵軍負之家外其餘不以有無拘礙各以
至許實封投收供通抵當依條承買限滿拆封日給着價最高之人候一
界滿日如無少欠聽依條接續承買庶幾收闕場務可以漸次興從之
三十年八月六日權戶部侍郎錢端礼言諸路州軍買撲坊場有敗闕處
若不令逐州自行經理切慮暗失經常之用欲乞令諸路州府軍監於管
內各將敗壞坊場守條究心自行措置差官臨費其名錢等分隸諸司者
自合依數送納外所有收到淨利錢並充貼助本州官兵俸料支用仍戒

約不啻科賣因而搔擾及不許將人戶見賣坊場一例賠逐紳府節鎮不
得過五處其餘列即不得過三處從之 九月十七日淮路轉運劉判官
張祁言切見和州東關鎮無為軍西關市各有買撲酒坊近緣市井翕習
貼賣浩漸用舊額輸納名課及和州白望鎮池頭坊爭論地界十年不決
決及無為軍襄安鎮酒坊及蕪收稅係商賈街要舟車輻湊之地兼弄之
家產享厚利每有爭訟賄賂公行交結官吏攬擾善良欲望依近降戶部
申明指揮及兩浙漕司已行條例將上件逐處酒坊許令本司認定名課
差人管幹所收利息應割目前百色支遣從之既而臣察上言今淮南漕
司欲將人戶見賣撲去處遽行刻奪必至失所且與戶部申明自已已
相違戾望將所乞更不施行戶部看詳乞行下淮南轉運司將人戶見爭
論酒坊許依本司所乞外不係爭論坊場依舊令人戶買撲與戚去處許
常平司措置增添課額從之俟臣察復言非便於民有旨令戶部改正
三十一年七月十日權兩浙路計度轉運副司林安宅等言本司泰州
蘭溪縣酒坊所收課息每年抱納常名課等錢一萬四千餘貫外又赴
辦息錢二萬貫本司更無所入近緣本坊解納上件官課官錢遲緩積滿
月日不行起發遂委使臣承信郎王賓前去蘭溪縣詢本坊課利完虧欠

蓋因本坊接界相去數理有板橋坊敗闕二十餘年無人承買前後官司
備創令本界內食利人戶一百餘家挖認課額內一半貧乏下戶元不曾
賣酒亦令挖納無從所出一半係富家之家恣行造酒使越界分販敗沽
實是致蘭溪酒坊沽賣不行官課官課拖欠漸至敗壞起辦省司課息不
前今來板橋坊係與蘭溪酒坊為隣正依得上件條法伏朝廷特賜指揮
行下本司依條承買挖辦非惟革絕侵越之費之弊亦可以起辦官課及
免貧乏之家庫藏官錢更合取自朝廷指揮從之 十月十四日戶部言
諸路州縣人戶買撲坊場至係素右有力之家其兩浙江東西湖南北總
計一界合納淨利錢三百八十萬餘貫今來軍興調發官兵合用激費錢
物萬數至廣今和度欲除認發納減庫年額錢外餘數乞令浙東西江東
西湖南北路常平司依例預借一界淨利錢以助軍興支用仍責令限半
月先次先納計綱起發內兩浙赴左藏庫江東西赴建康總領所湖南北
赴鄂州總領所下卸橋備合用水脚于所起發錢內支破其不通水路州
縣許輕買賣發納從之 三十二年二月一日中書門下省言昨戶部申
中請依例預借州縣人戶買撲坊場一界淨利錢切慮擾民理宜措置
令戶部行下諸路提舉常平司將已納到預借坊場錢目下起發未真納

之數更不拘借 四月九日提舉江南東路常茶鹽公事洪造言近來人
戶詞狀有乞將已納過預借坊場錢銷折舊欠及理合今界錢數者伏
見朝廷既是任借即已借過錢物自是理充今界之數只緣未有明降指
揮致州縣之吏得已藉口邀江又州縣間亦有創借過河者渡錢欲乞朝
廷行下諸路將已借過坊場或河渡錢並與鈔折舊欠并理合今界當限之
之數戶部勘當欲依本官所已行下諸路提舉常平司將已預借過人戶
坊場或渡河錢並與銷折舊欠并理合
今界當限錢數從之 以上中興會要

宋會要 公使酒

按公使即公使臣也太平興國一條似當補至熙寧前淳熙以下亦係中列公使臣處而可也

六府曹鄆青滑許陳鄭孟襄唐澶相邢冀趙深祁潞晉
華邠鄆鳳慶涇原儀渭靈揚宿泗楚滁鄂鼎潭郴蘇秀
常潤湖睦越明婺衢處溫台宣歙饒信江池太平洪撫
虔吉筠袁建江南劍桂六十六州各月給三石兗徐密
濮登鄧金安蔡隨潁磁汝澤同耀廬亳蕲光岳澧歸峽
邵二十五州月各三石兗州亳州後加至十石沂淄濟
濰單萊汝均鄆商衛博德濱絳石汾遼磁隰環乾解寧
丹階成坊隴真泰黃和舒海通濠道永三十九州廣濟
高郵荆門三軍月各一石五斗光化信陽連水天長漢
陽廣德建昌七軍月各一石以上國朝會要 神宗熙寧

太宗太平興
國六年九月
詔諸路知州
府每月第給
俸省臣充公

用其後者
定制河南應
天河中風翔
江陵江寧

法修官 各一

政以上國相

今要前

七年正月一日詔諸路自來不造酒州及外處有公使
錢不造酒官司聽以公使錢顧召人工置備器用收買
物料造酒據額定公使錢每百貫許造米十石額外醞
造於繫官以違制論不以去官赦降原減元豐二年十
一月十五日詔定州歲增給糯米四百石造酒三年四
月二十六日陝西路轉運使李稷言秦州造公使酒給
省來米慶曆中詔歲毋過千五百石嘉祐四年後歲給
四千石至六千餘石熙寧二年遂至九千石自後歲不
下七八千石前後違法官吏存亡相半未敢推勘詔釋
官吏罪自今歲毋得過四千石六月十八日戶部言陝
西諸路沿邊次邊州軍城寨支給文武官酒給酒材之

直候物價平依舊從之十一月八日都大提舉成都府永興軍等路權茶公事陸師閔言公使合用酒麴乞隨所至州郡充那支用以米麴工價算還從之哲宗元祐元年三月二十四日判大名府韓絳言公使供饋條禁太密乞刪去監司賣酒及三路饋遺條從之令刑部先次立法紹聖二年正月十二日詔應熙寧五年以前不造酒州軍及外處有公使錢不造酒官司並依照軍編勅石數內州軍減外不及一百石者許造一百石元不及者依舊不得例外特送違者坐之從左司諫翟思請也大觀三年五月十六日河北東路提點刑獄司奏承尚書省劄子臣僚上言訪聞齊州此年以來公

庫供給有歲餘月餘之稱皆例冊外別立名目以為饋
送詔令本司體究尋牒委滄州支使苟佐賢前去體究
歲餘係知州梁彥深已前將公使庫年終除支使外見
在錢數以米麴物料本錢紐為酒數作歲餘分送與在
州應見任諸官其梁彥深任內大觀元年十二月終兩
庫見在錢二千六百餘貫紐送過杏仁玉液酒比前官
崇寧五年增多計三百餘石詔梁彥深特衝替係公罪
事理稍重 政和六年十二月五日尚書省言勘會諸
路州軍官員多以私錢於公使庫并場務寄造酒顯屬
違法詔諸州以私錢物就公使庫若場務醞酒者論如
私醞酒法加一等已入已以自盜論長貳當職官加二

等監司統轄廉訪官知而不糾與同罪不知減三等許
人告不以赦降原減七年十一月九日兩浙路轉運使
使王汝明奏准御筆楚州公庫造酒出賣寄造為名令
虞候於小店貨賣官利日虧其餘州軍類皆如此詔令
體究尋差秀州司錄邱朝俊等詣宿亳等縣體究到
數內宿真通泰海舒和廬壽光濠蘄黃州無為軍無公
使造酒出賣寄造為名外體究得亳泗州知州通判及
見任官却有將所請公使供給酒令虞候廳子等於市
肆開小店不認官課致拍官酒店戶停閉及都酒務因
此課利日虧詔今後見任官不得令人開店賣供給酒
令戶部立法申尚書省其亳州泗州知通各罰銅十斤

以上續國朝會要高宗建炎元年六月十三日敕訪聞
諸路州軍縣鎮酒務公庫等多將酒醋抑配與人戶及
過往客旅僧道等為害甚大仰監司守臣常切覺察舉
劾官吏重行黜責三年十一月三日德音勘會祖宗以
來諸州公使庫造酒止供犒設及筵會亦不分送本州
官比年以來貪吏並緣增添例冊因造酒一事豐已害
民兵民憤嫉糴米則分配縣鎮輸送有輦致之勞受納
有邀索交量之害弊端百出中間雖已立限今更當裁
減帥臣不得過二百貫知州軍不得過一百五十貫監
司供給依知州軍數通判八十貫兵職官監司屬官三
十貫內京朝官四十貫判司簿尉二十貫外縣知縣十

五貫簿尉監當官十貫仍先支外縣官該載不盡者比
附供饋以上以應干供給一錢以上及飲食蔬菓等並
通計如收受過數並以自盜許諸色人及所管公人告
以所告數充賞其賣酒價立定一等四年六月十八日
詔諸州公使庫造酒自有定額其監司供給已分定州
軍今後巡歷去處除合得供給外並不許用米麴價錢
於公使庫買酒 紹興元年十二月十八日詔諸州供
給酒錢除收建炎三年十一月三日德音外巡檢依縣
倚郭知縣不以京朝官選人並依職官其縣丞從事郎
以上比知縣減三貫迪功郎以上依簿尉支給二年十
月二十二日詔諸路帥臣及統兵官司所造公使正賜

庫酒並仰遵依成法止合自供食用并饋遺官屬不得過數醞造違法出賣侵耗國用如違除本罪外取旨重作行遣三年十一月二十七日親衛大夫榮州觀察使提舉亳州明道宮韋淵言先得旨許依欽慈皇后宅造酒今乞依邢皇后宅許變易施行戶部契勘邢皇后宅元降指揮止許造進酒賜慶遠為名即無許將餘酒變易之文詔劄與韋淵照會四年三月十九日詔應戚里許令造酒之家若在外州軍居住並依臣僚體例止應細算麴米價值就公庫或官務寄造以充賓祭之用每歲不得過三十石以知衢州謝克家言戚里之家許造進酒因此出賣攬奪官課故有是命九月十五日明堂

敕諸州公使庫歲用造酒糯米名曰和糴實皆抑配訪聞又有託以準備為名不循年例倍有科歛仰監司覺察按劾十二月六日荆湖南路安撫大使席益言乞依前知潭州李綱例逐時犒設官軍合用酒以激賞錢於所在州寄造應副中書舍人王居正言州郡公使造酒自有定制昨李綱知潭州乞於所在州軍造酒既不指定路分又無所造石數是潭州得於天下州軍不限石數造酒所以後來折彥質知潭州朝定指定今於潭州寄造每月不得過三十石今席益只降折彥質例從之以上中興會要孝宗隆興二年六月二十九日臣僚言切見已降指揮諸州公庫合支見任官供給止許支酒

其違者以違制論臣謂自來州郡每月所支供給有支見錢有支本色或作分數雜支相承已久驟然更改衆謂非便蓋緣公庫於法不許賣酒侵奪場務課額一色支酒則是顯然使之違法貨賣如都監則抑配軍司知錄則科於行戶倉官則責在專副為害不一兼自來公庫造酒米全仰民戶輸納官務糯米多收耗剩暗行撥入公庫使用今若只令造酒支給其糯米必增添耗剩及減刻官務所支升斗其餘剩錢必有貪汚郡守及管庫官盜竊之患欲望特降指揮令諸州將所支供給且依舊例有將見錢與酒作分數支散去處監司知通並依衆官分數支給違者亦以違制論從之

宋會要 公使酒

太宗太平興國六年九月詔諸路知州府每月第給係
省酒充公用其後各有定制河南應天河中鳳翔江陵
江寧淳熙二年十月二十六日詔利州西路兵馬鈐轄
廳歲以諸州糴土錢買米六百石造酒以備燕犒將士
從本路鈐轄向琪請也三年八月十二日詔諸路帥臣
并統兵官司將造酒只得自供食用并饋遺官屬即不
得過數醞造違法出賣侵耗國課從司農少卿點檢膳
軍激賞從酒庫張維請也九月九日詔殿前司歲時支
散給犒士卒等公使酒用糯米二千石令戶部出給公
據照驗免稅從本司都指揮使王友直請也既而十一

年五月本司言用糯米三千石乞給據齋執徑由場務
照用通政自後每至年終從本司徑申戶部換給公據